

# 灤縣志

王人文題

地 理					
邱墓	名勝	地質	山脈	面積	位置
	古蹟	氣候	河流	沿革	疆域
	<small>金壽石</small>	<small>雨風量向</small>	<small>海防</small>		<small>邑址版野</small>

灤縣志卷二

地理志上

維灤設縣。舊畿之東。南臨溟渤。北控山戎。幅員遼闊。氣象沈雄。名城巖邑。海陽義豐。礦產富饒。利源廣博。鐵軌橫貫。直達京洛。長春故宮。偏涼虛閣。憑弔遺踪。依然城郭。志地理第一。

(一)位置

編者按。縣境位於故都之東五百里。東接昌黎。西鄰豐潤。南達樂亭。北界盧遷。負山濱海。素稱形勝。本舊畿之名城。為邊區之要塞。自三代以來。既隸版圖。雖地處一隅。無若何天險。而鐵路橫貫於中。四通八達。以位置言之。實能屏蔽內外。亦冀東之重鎮也。

(二) 疆域

編者按縣境西北界山東南界水東至灤河五里與昌黎縣爲界西至鐵城坎百二十里與豐潤縣爲界南至渤海百五十里北至小橫山營十二里與盧龍縣爲界東南至汀流河四十五里與樂亭縣爲界東北至偏涼汀北橫河八里與盧龍縣爲界西南至開平九十里與豐潤縣爲界疆域毗連犬牙相錯前與各縣因縣界問題時起糾紛今則履勘真確界劃詳明載入地圖當永無虞芮之患以見疆域之保存尤不可忽焉其疆界詳輿圖篇

附舊志星野晷度

三垣 紫微垣外有斗星七一曰樞五曰玉衡灤之分野屬焉春秋緯云冀州屬樞星宋天文志云北斗七星五曰玉衡爲音主土其分爲燕第八曰弼星在第七星右不見漢志主幽州案天市垣東蕃十一星三曰燕又

灤

縣志

卷二

地理 疆域

二

十六國十六星在牛女南近九坎各分土居列國之象其楚南一星曰燕五緯 晉天文志云辰星曰北方冬水主燕趙石氏云辰星主幽十二宮 遼史地理志云野旅寅爲析木之津案晉天文志自尾十度至南斗十一度爲析木於辰在寅爲燕之分野屬幽州元歷志謂太陽黃道界尾三度餘外入燕分析木之次辰在寅帝王世紀載自尾十度至斗七度百三十五分而終曰析木之次於辰在寅謂之攝提格於律爲應鐘斗建在亥今燕之分野山堂索考云箕尾星曰析木宮曰人馬時曰寅州曰幽又漢書天文志云壬燕趙亥燕代淮南天文訓亦謂亥燕甲戌燕也二十八宿 箕尾爲析木周禮注析木燕也考漢書地理志自尾四度至斗六度謂之析木之次爲燕之分野東有漁陽右北平遼西遼東又晉書天文志自尾十度至南斗十一度爲析木實燕之分野屬幽州漁陽入尾三度右北平入尾七度遼西東入尾十度唐書天文志析木爲雲漢末派

山河極焉。故其分野自北河末派。窮北極之曲。東北負海爲析木。負海者以其雲漢之陰也。又云箕尾析木津也。初尾七度餘。中箕五度。終南斗八度。自渤海九河之北。得漢河間涿郡廣陽。及上谷漁陽。右北平遼東遼西樂浪元菟古北燕孤竹無終之國。案自尾十度至南斗十一度。凡三十度。有奇。爲燕之分野。屬幽州。今北直河間保定隆慶宣府保安遼東永平。明史天文云。尾三度至斗二度。析木之次也。永平府尾分。灤州箕尾分。又說者謂尾宿九星。三曰天狗。四曰天風。灤在天狗天風之間。總之灤野屬箕尾之間。其分度蓋莫能詳考云。

晷度

北極出地三十九度四十七分三十秒。冬至晷影一丈九尺八寸三分強。夏至晷影二尺九寸三分強。冬夏至晝夜長五十九刻四分強。短三十六刻十一分弱。

灤

縣志

卷二

地理疆域

三

(三)面積

編者按灤爲河北省第一等縣。幅員廣大。亦以合義豐馬城石城三縣之地。故其面積甲於其他各縣。東西廣約百二十四里。南北袤約百七十里。截長補短。約共二萬一千八百餘方里。

此據舊志所載。概算而言。若實行勘丈。當不止此數。

(四)沿革

編者按。灤縣於唐虞時為冀州幽州之地。商為孤竹。周近山戎。秦漢屬右北平郡。而海陽新安平昌城夕陽等縣。已見於史乘矣。漢末為公孫度所有。魏晉屬遼西郡。陷於慕容氏。而北魏時曾以海陽縣省入肥如。隋屬盧龍。唐屬石城馬城二縣地。至石晉則割與契丹。以義豐馬城石城三縣為置俘戶之所。而屬於永安軍。金天輔七年。置節度使。領義豐石城馬城樂亭四縣地。元因之。至元二年。省義豐入州。三年復置。以石城省入樂亭。又改入義豐。四年。馬城亦省。明洪武二年。因元永平路。改為平灤府。四年改為永平府。灤州屬之。清因舊制。至民國二年。改稱灤縣。茲將歷代沿革列表如次。

沿革表

唐 冀州地

灤縣志

卷二

地理沿革

虞 幽州地營

夏 冀州地

商 孤竹地

周 春秋時山戎地 戰國屬燕地

秦 遼西郡地

前 海陽縣 屬右北平郡

漢 新安平縣 屬右北平郡 後漢屬右北平郡

後 昌城縣 屬右北平郡 後漢屬右北平郡

漢 夕陽縣 屬右北平郡 後漢屬右北平郡

三 海陽縣 屬遼西郡

東 海陽縣 屬遼西郡

西 海陽縣 屬遼西郡 魏仍故名 齊省入肥如

隋 盧龍縣地

唐 馬城縣 開元二十八年析盧龍置 以通水運屬平州

唐

石城縣

武德初置臨渝縣為平州治二年移治盧龍以臨渝屬之七年省臨渝縣觀十五年復置萬歲通天二年改名

宋

安城縣

宣和五年改馬城縣為安城縣

臨關縣

宣和五年改石城縣為臨關縣

灤州

本古黃洛城太祖置永安軍屬平州

遼

義豐縣

世宗置

馬城縣

改屬

石城縣

徙置屬

灤州

屬中

義豐縣

金

馬城縣

宋復名城縣

石城縣

宋復臨關縣

灤州

屬永

義豐縣

以石城二年省義豐入州三年復置先

馬城縣

元至四年

灤縣志

卷二 地理沿革

六

明

灤州

永平府洪武初

清

灤州

屬永

民國

灤縣

民國十二年省永平府改州為縣屬津海道十五年省津海道屬河北省

劉祖培辨灤州縣今改遷自遵化州縣今改沙峪之誤

憶自童年就私塾。即聞塾師並薦紳先生。轉相傳述之言曰。灤州舊治在遵化沙峪。某年移置今治也。嗣經檢閱清光緒丙申舊志。疆界內載。灤州之名。自遼天贊二年始。舊治在遵化州沙峪。南去石城縣三十里。並附註云。今榛子鎮有石刻灤東巨鎮四字。持以為章明較著之証據。惟此說終有令人懷疑莫釋者。灤州遷自沙峪。固有說。而沙峪如何有灤州。則無稽也。愚謂灤州既肇始於遼。後人自當以遼史為根據。今考遼史地理志。載灤州永安軍中刺史。本古黃洛城。灤河環繞。在盧龍山南。又載灤州負山帶河。為朔漠形之勝地。據此是遼人設灤之始。正謂此地山川雄偉。控扼

要害幾紆籌策。具存深意。且顧祖禹讀史方輿紀要亦云。女真襲遼舊跡。

指遼建置。瀋州言。

宋室為之糜爛。此地繫中外得失之機。初無遠置遵化沙峪之說也。舊志謂州在沙峪。語涉不根。頃經檢閱明史地理志。乃知瀋州遷自沙峪之說。是載筆者誤讀史文耳。茲錄明史地理志原文如次。

瀋州洪武二年九月。以州治義豐縣省入。南濱海。東有瀋河。又西有開平中屯衛。永樂元年二月。自沙峪移置。

此於細繹史文。是永樂初年。開平衛自沙峪移置。非瀋州自沙峪移置也。舊

志斷文取義。誤將沙峪移置四字。錯屬於瀋州。遂使斯土斯民。迷離恍恍者有年。抑何孟浪乃爾。或曰沙峪開平。抑有說以證實乎。曰有說。茲再錄明史地理志史文。証之如次。

開平中屯衛。洪武二十九年。置於沙峪。永樂元年二月。徙治真定府直隸後軍都督府。尋徙治瀋州城西石城廢縣。此文見明史卷四十四。地理志第十五頁。

據上文視之。是開平先置沙峪。後徙石城。與瀋州無涉。不辨自明矣。或又

瀋

縣志

卷二

地理沿革

曰。然則瀋東巨鎮四字。當作何解釋耶。茲再引遼史地理志以釋之。史文如次。

澤州廣濟軍。下刺史。本漢土垠地。太祖俘蔚州民。立寨居之。採鍊陷河銀

冶。隸中京留守司。按中京。秦遼西。漢新安平縣地。開泰中。置澤州。有松亭神山九宮嶺石

子嶺。瀋河撒河屬中京。統縣二。神山縣。瀋河縣。本漢徐無縣地。

據上文。則瀋東巨鎮之瀋字。當指瀋河縣而言。與瀋水環繞之瀋州。見前文。

直風牛馬不相及矣。蓋遼之所謂澤州瀋河縣。即古之所謂土垠徐無。亦

即明清以來。所謂豐潤玉田。按豐玉二縣。明代清初。皆隸屬瀋州。確在遼金以來。榛子鎮之

西。按金史。瀋州領縣四。鎮二。其一鎮。即榛子鎮也。作此解釋。則瀋東巨鎮四字。始有著落。舊志率

爾操觚。不得不辨。

交河蘇耀宗瀋州漫興詩云。海氣氤氳接翠微。夕陽城下幾斜暉。眼中禾黍吟王粲。劫後人民感令威。星火猶傳風鶴警。天空慣見木鷲飛。一飛機猶每日往來。夷齊片土終誰有。寂歷荒山老蕨薇。離離塞草暮雲橫。誰是將軍右北平。古雪尚封秦戰窟。平沙還列漢屯營。百年馮翊空屏障。一角輪贏見劫枰。欲向來波問

消息木蘭是否舊旗旌長春邸倚偏涼斷礎曾經近十香空見短衣仍胡服漸  
無高髻學宮妝（灤屬多旗籍）入關紫氣隨風逝輸外金繒論谷量是否求仙  
能解脫（地近秦皇島）蓬萊宛在水中央北門筦鑰啓強隣漫把頭顱借與  
人秋老天驕方牧馬地開金穴尚通神藏山毒癘叢魑魅入市羶腥足介鱗世上  
桃源何處有邊  
陬已覺遠狂秦

灤縣志

卷一

地理沿革

(五)山脈

編者按太行山蜿蜒數千里自西南而來由北平折而東趨縱橫盤鬱於縣之西北境而迤邐散漫於縣城之西南蓋即其山脈分支之一部也雖無奇峯峻嶺天險形勝而礦業林立名著環球實為縣內之一最大利源詳礦產而森林之若何培養荒蕪之若何墾闢凡有關民生實業者在在皆新措施之先務也

橫山 在城北五里聳列如屏山腰有寺地頗清幽為邑人遊憩之所近有某道土經營該寺產種植樹木頗夥前有

有石井旦則煙霧出焉故有橫井浮烟之名詳名勝其西北為抱花厓東麓為偏涼汀懸厓

有徑明正德間所鑿下有關陡瞰灤河為北郊保障前有深潭正德十三年車駕東巡觀魚於

此舊漕運泊舟處也

榆山 在橫山後一里形若探頭童山石可燒灰並出鹼石

紫金山 在橫山前二里以昔產赤石脂而名又名文筆山背橫面巖襟灤帶

灤縣志

卷二 地理 山脈

沂聳拔數仞其上有閣憑高眺遠風景絕佳童山

巖山 一名研爵在城南五里狀若虎踞其上有碧霞元君祠祠後山腰有洞十八處俗名劉九洞其高

者人莫能上中一洞有石几石榻可容多人明嘉靖二十九年八月二十一日北兵入中原自京都掠及豐潤花園莊民張儒同李科何超庠生劉調元各挈家屬入洞避兵

數日今洞口北東巔有浮圖高十三級山之東北麓下有金大定間石橋石多

紅色遺址尚存西麓為蠶箔峪峪南二里許為杜家山

副使裴騫巖山石洞辨云巖山在灤州南為屏障狀如飛鳥昂首振翼其東巖有石洞凡十有八有大者小者深者淺者可入者不可入者其上有三洞最大而深者在絕壁間非步空梯雲不能入者也下有石橋大定間建石多紅色有石柱二其下半紅相傳為石洞多妖石柱上紅則妖出予惟石洞山之有罅而虛者爾其始也草木繁茂蛇鼠狐狸盤據其中時或出沒居民駭之未為妖也有妖民者奸貪豪猾誑誕講張為鬼為蜮情態萬狀剥人皮肉囁人腦髓白晝公行恬不為怪而獨求妖於石洞何哉為吾人者可以辨矣因為之說以祛惑

以風世也案山下石橋已湮沒僅餘殘石二石柱久已不見邑人張鳳翔過巖山橋詩云前劣巖山道車行似蟻旋河遷留舊跡灤河數年前曾改至山麓下將巖山橋莊陷入大半今又東徙矣一洞古不知年墦影青空外松聲碧嶂前北鄰橫井勝遙望起浮烟一橫井浮烟為灤縣八景之一自山北望歷歷在目邑人賀朝元偕縣立師範同仁登巖山絕頂詩云危峰虎踞不知年選勝登臨陟嶺巔萬里山河歸眼底昂頭直欲問青天

小山 在巖山西北二里許相連二峯有庵相傳有唐太宗遺蹟舊志以二峰作卸甲山宋家山郡志誤作兩山

邑人吳晉之登小山詩云攝衣當峭壁眼界任東西浦極江天迴城連草樹低春雲離岫出野鳥向花啼仰止傾心久今朝快一躋

馬鞍山 在巖山西南五里其東南山半有石高數丈平似鏡將雨時石上先露水氣村人以是占雨其南為許家山

山陽為明許御史墓又南有張目山

胡家山 在馬鞍山之西南五里其南為柴家山又名翠華山又南為林家山芹菜

山遼進士馮唐卿於山前結廬種芹自給故名又南為尹家山

法寶山 在巖山南三里其西北為蘑菇山舊志作磨笄山其西南相連為小擺頭山

舊志法寶山之次有習武山今無考

小峰山 在城南十二里其西南相連為披甲山披甲山之西為白石山東南

為鐵石山近有人擬在該山開辦鐵礦因鐵苗不旺事遂中止

謹按清光緒舊志載披甲山俗名和尚山小峰山俗名媳婦山又名孝婦山近人遂謂字音轉訛以舊志之習武山當之皆誤查舊志媳婦山在州南二十五里唐

灤縣志 卷二 地理 山脈

時有婦李氏隨姑採薪於此遇雨雷以身翼姑而死其事之有無不能辨第城南十五里之外直至海井無山况舊志習武山列於法寶磨山笄之間里數遠近尤難牽合舊志云媳婦山在州南二十五里當是十五里之誤而該山均在法寶迤南四五里內習武媳婦之轉音亦不為無因也

雞冠山 在城西北十里其東麓為藍莊舊志竈突山

馬鞍山 亦名半壁山 在城西十二里與城西南馬鞍山同名

清知州顧學潮半壁山詩云混混分天地勞勞役馬牛壯懷何所極古道足春秋

廟兒山 在半壁山西南三里其上有廟有井西南為石門山又西南二里餘

為止馬山

拐頭山 在城西十五里止馬山之南其東為定兒山東南相連為饅頭山明

正德十三年武宗觀魚於沂河嘗幸拐頭山巔又東南為小龍山再南里許為

行虎山龍虎二山之間有東西車路虎山之南相連為雙山

五子山 在雙山南有石洞亦名五子洞又名墓子洞有四隴五峰山巔有石

冢龍溪之源出焉即今之小沂河亦名溝釀河也其東南麓為饅頭山與拐頭山東南

之山 又名 又東南爲菱角山。郡志龍溪源出而伏伏

烽火山 在城西北二十五里其巔有寺。

明徐如勳烽火寺詩云尋芳直上翠微間梵宇蕭蕭出半山詩罷酒闌遊客去白雲依舊伴僧閒

王家山 在烽火山之西南二里

三岔院山 在烽火山西南五里大沂河源出焉

佛住山 在雙山西北十里距城二十里上有碧霞宮白衣菴眞武三官藥王等廟下有青龍寺

賈山 在佛住山西七里東壁聳立怪石嵯峨霖雨之際徧山泉水翻湧如星宿海然其東南三面數十莊村近山受災甚巨蓋因水之下游分注於西之沙河河南之青龍河東南之沂河而上游則浩漫無軌也

尖山 在城迤北三十里賈山之西南

洞山 在尖山之南有火洞水洞火洞冬暖異常水洞深黝莫測夏秋之際賈

灤縣志 卷二 地理 山脈

山泉水灌注於此伏流而南二十里外至徐家河草莊從平地洩出

土山 在洞山之東南相距里許

鳳凰山 在尖山西北五里石佛口莊之東土人名爲九頂鳳凰山

巍峰山 在尖山西七里又西爲毛家山一名威鳳山山腰舊有壽峰寺今廢

邑人劉祖培辛酉秋重遊壽峰寺詩云劉郎重作壽峰遊滿地離離禾黍秋卅載滄桑遽如許那堪麥秀感東周（清光緒甲午春曾到寺遊玩時山門殘佛猶存塑像頗莊偉碑刻明萬歷時重修今重來則寺廢碑空一片禾黍矣）

小龍山 在巍峰山西北七里東麓爲河

宜安山 在小龍山西北三里羣山起伏百泉環流其西北五里爲井兒峪

清涼山 在宜安山西北距城六十餘里山之北卽與盧龍遷安二縣分界處羣峰攢簇有延古寺旁二井水流成蹊又有羅漢洞勒石佛數十中有黃土山院其巔有三霄宮古松插天相傳廟中有鼠大如犬道士以殘飯飼之所產有滑石礪金石又有金絲草並藥材十餘種其東南相連爲可兒頭又東南爲蘭

頭山又東南爲石馬山迤南而東折爲樂家峪紅石厓石甕等山其西爲座山

邑人進士劉東美丙寅仲夏題清涼山望海樓詩云百尺危樓矗巔巔登臨會飲醉中仙北瞻鴈磧雲橫塞南望蛟宮浪接天松壑煙嵐浮檻外山泉琴筑落階前戈船橫海雄心在嗟我歸田已暮年（時年七十有九）清涼絕頂有高樓極目南天海國秋萬派朝宗恢眼界千年往事注心頭乘桴願繼尼山志銜石難銷精衛愁更上一層望畿甸可憐虎嘯據神州

梅山 在清涼山南數里中隔一大道名梅山溝山多白堊附近居人恒以爲利

大擺頭山 在梅山之西南其正南距古冶八里山石可用以磨刀其東爲榛子坡蠍子峪貓兒山趙官營山分水嶺郡志以清涼山爲分水嶺抽水峪等山

成山 在大擺頭山東其巔兩峰對峙之間有石徑崎嶇名爲石梯子

榆山 在成山之東與縣城北之榆山同名

萬石山 在榆山之東亦名萬山又名萬福山山頂山腰並有古寺其南麓並有鮮卑元帥墓

### 灤縣志

#### 卷二 地理 山脈

邑人李恩捷萬石山登高詩云九日尋遊玩物華鄉人高潔壓龍沙佩萸舊俗傳來久賜橋新榮望欲賒萬里清秋飛白雁一天冷雨瘦黃花風流自賞今猶昔落帽何須獨孟嘉又九日遊萬石山詩云山水悅予情况當重九日行行偕冠童步入嶒嶸路轉一峰高烟籠千樹密攀蘿露霑衣拾級花繞膝寺古苔生階僧問雲出室置身百仞巔回首煙塵失小憩清氣來探幽靜理出泉聲石疊三雁字天垂一酌酒話康年題糕掄快筆日斜興未闌醉者十之七

塔兒山 在萬石山西北石青韌可爲碑碣

亭子山 在萬石山西北其石可作礎礎

三架山 在大擺頭山西北

波螺角山 在三架山西北俗名伶俐山

白雲山 在大擺頭山之西一名自來峰距縣七十里其上有寺山巔有大湫曰湫嶺見名勝其西爲白雲山溝其南迤西爲白道子山遠見山巔有白道者卽是

長山 在白雲山之西有石佛寺林果茂密起伏蜿蜒數里舊志作九里長山山之北爲甜井峪山凹中廟後有井深盈尺其水甚甘雖大旱不涸也

七哥山 在長山北上有聖泉居其麓者多產男故名又名七個山以山峰之數言也北麓爲馬家峪郡志作七哥峪與馬家峪爲一山

圍山 在白道子山西十里其南麓爲香花峪圍山有瀑布泉詳見名勝今無其迹或其源已涸惟正北稍東二十

餘里偏山之北萬山雜沓環繞如圍土人統名曰圍山其中確有泉瀑詳後文泉子峪

風山 亦名大 在圍山西南其巔有洞詳名勝 前有頑鐵如牛半入土內愈掘愈

深卒莫能起范端昂粵中紀聞云產鐵之山必有黃水灣流掘之得大鐵鑛一枚其狀如牛循其脈絡掘之即得多鐵但產鐵之山必有樹木纔可開坪凡

鐵鑛一枚層層剝之皆有木葉紋向背不一其紋即如其山所產木葉今此山下涓涓細流並無樹木未知鑛苗果旺否

羅家嶺 在城西北一百里山陽有楊將軍祠其南有泉水流出卽陡河之一源也

泉子峪 在羅家嶺南其西爲老圈山諸峰高聳午始見日峪有龍泉寺有井有瀑布圍山瀑布或即此地 羅家嶺之泉水自西北繞而匯之上爲大龍潭下爲小龍潭

合而南流出梯子嶺楊樹莊直入榛子鎮之承流橋下亦陡河之上源也

灤縣志 卷二 地理 山脈

牽馬嶺 在羅家嶺之西八里西爲豐潤界

鐮山 在羅家嶺之西南五里其東迤北爲平台山其南爲抓髻山

梯子嶺 在羅家嶺南八里山陽有飛瀑懸流雖嚴冬不竭其下有石槽深不能測水注於槽正午則盈溢而注於石甕無論陰晴冬夏驗之不爽分毫洵奇

蹟也其西南爲皂頭灣其東南爲東上五嶺嶺北有老虎石東南向形質酷似

其西南爲西上五嶺

龍爪峪 在梯子嶺南三里

繩索峪 在梯子嶺南二里

偏山 在城西北八十餘里梯子嶺之南澗谷逶迤草木叢茂讀史方輿紀要云由此益引而北峯巒環繞非亭午不見人山有東嶽廟西坡有古井周圍三丈餘深不可測又有石城橫於山腰城上有馬道礮口不知爲何時舊蹟其東面壁立陡峭西面偏頗可升遙望之若建大旗故因其形而名之其東爲高皋

山再東爲白塔山。山陽爲北五城子山。其東南爲龍山。其西南爲鳳山。山陽有古寺。

高皋山 在偏山之南。其東爲北五城子山。

白塔山 在高皋山之東。距偏山五里。

東城山 在白塔山東南。綿亘二三里。其東爲館山。乃遷安縣界。亦陡河之一源也。

石寶山 在偏山之西北。山趾相連。有古松二株。數百年物也。

桃山 在偏山西南。有古井八面。不辨何代舊蹟。其西北爲齊家峪。

一斗泉山 在桃山之西南。山陽有古寺。其西里許有甕山。

菜山 在一斗泉山西。產蕨。

荆山 在菜山之西。

王家嶺 在荆山之西二里許。有洞。內有石刻。皆雲篆。不可識。其東北爲上苦

灤縣志 卷二 地理 山脈

頭嶺。其西南爲下苦頭嶺。舊志苦頭嶺作苦地嶺。

望子山 在王家嶺西南。

西城山 在望子嶺之南。舊志苦地嶺南五里有羅山。八里有萬子山。杏兒山。孝家嶺。今之西城山。綿亘三四里。蜂巒起伏。或即當時之異名也。

尖山峪 在榛子鎮西北二十二里。爲豐灤分界之地。

黑山 在鎮西二十里。

亂石山 在鎮西五里。

煙箏山 在鎮西三里。

椅子山 在煙箏山之南三里。

鐮刀坡 在煙箏山之南三里。

亮甲山 舊志作賈家山。 在城西百一十餘里。上有藥王廟。前有石佛洞。舊志賈家山北十五里有

駱駝嶺。嶺北五里有樹兒嶺。查無其蹟。

天井峪 在古冶鎮北十里。任家莊北里許。峪有古寺。據寺碑所載。始建於遼

金寺前有浮屠高七級山多林木每當炎夏邑人往寺中納涼者甚多佛殿後檐下有小井一水與口齊雖嚴寒不冰住僧汲水煮飯不另設缸故有天井之稱峪之得名以此永平志作其巔有井天險可避兵誤

白馬山 在開平北十里

唐山 在亮甲山西二里週迴數里複嶺重岡其東麓則陡河縈帶有流泉十數道注之相傳後唐李嗣源曾屯兵於此立石城二百餘丈基址尚存又後唐姜將軍斬蛟有功葬於此後人建廟祠之山以唐名實由於此山有小洞石色微黑可充硯材山之南坡一帶即開灤煤礦也詳礦產  
鐵菩薩山 在唐山西里餘一名雙鳳山山腰有洞黝而黑無敢入者稍近洞口則聞風聲拂拂

謹按清嘉慶志載峪十餘處坨五十餘處光緒志謂多係村莊名目大半刪去僅存木蘭坨長沙坨古坨龍堂坨望馬坨等五處攷山谷幽邃深峻

灤縣志

卷二

地理 山脈

一五

阻險曰峪高阜隆起有土無石曰坨乃諸山繚曲之餘脈也茲特附錄於後以備後日之考證焉

木蘭坨 在披甲山東三里

雙雁坨 在木蘭坨東三里詳見古蹟

長沙坨 在雙雁坨西十里

古坨 在長沙坨西南五里

龍堂坨望馬坨 俱在古坨南十里

謊糧三角坨 在龍堂坨南二十里

土坨 在謊糧坨西南

王塚坨周家坨白沙坨 俱在土坨西南二十里

嶺頭坨 在白沙坨南五里

宋家坨孫家坨劉家坨灰坨紀坨 俱在嶺頭坨西南

項家坨 在紀坨南。

唐王坨 在項家坨西南二十里。

大沙坨 在嶺頭坨南十五里。

草坨 在大沙坨西。

兔兒坨 在大沙坨西南二十里。

寰嶺坨 在兔坨南。以上均在城南。

麥家坨 在萬石山東南二十里。

光水坨常家坨茨榆坨 俱在麥家坨西二十里。

唐子坨 在茨榆坨西十里。

馮家坨沙塘坨 俱在唐子坨西南十里。

長春坨楊家坨大夫坨 俱在唐山南十里。

西沙坨 在唐山西三十五里。以上均在城西。

灤

縣志

卷二

地理山脈

水峪王子峪 俱在白雲山南。

秣軸峪 在王子峪北。

折腰峪橫山峪小白峪。

銅盆峪 為遷安縣界。以上載郡志。

(六) 河流

編者按。灤縣無名山大川。惟濡水即灤河。由口外來。直貫境內。嚮稱巨浸。其他若沂河。若清河。若沙河。若陡河等。發源或自境內。或由鄰封。注偶見於水經。名僅詳於邑乘。縱橫細流。朝宗不擇。亦談河渠所應詳究者也。

灤河在城東五里。源出獨石口外。經熱河穿遷安盧龍縣界。至偏涼汀入縣境。過北寧路鐵橋下。分爲二股。其左股俗名牯牛河。亦名忙流河。由東流灣轉西南。其右股由西流灣轉東南。兩股復合流。過巖山迤南行。仍分二股。又由東流灣轉西南。至蔡家營之東。與右股合。又分二股。西股爲二灤河。東股南流四十里。至汀流河。由樂亭界入海。

謹按灤河水性湍急。兩岸流沙。遷徙無定。每至夏秋淫霖之際。河水泛濫。居民恆受其害。自清光緒九年大水以後。連年爲患。城東劉坨子莊。被水刷去。民國初年。城東南劉莊子。朱莊子。孟官營等村。均陷入河內。而東關數十家。亦於十三年。悉數衝塌無迹。近河流僅距城數武矣。前年由紳民呈請建設廳。修築石壩。自藥王閣迤南至南窪莊。長約二千一百八十公尺。高約五公尺。耗款六萬二千三百餘元。城垣幸賴以保存。致東關被塌原因。有謂鐵橋北偏涼汀河畔。有一高約二二三

灤

縣志

卷二

地理 河流

丈之石塚。俗名獨石山。每至夏水漲溢。自東北夾山而來。其水直激石塚。遂轉而東南趨。故河水遠距東關常四五里。不能西移。後有某工程師。因有礙於石橋。用炸藥將此石燬去。水遂南趨。東關一帶。悉陷於河內云。

清高宗灤河濡水源流考證

濡水見史傳者凡五

說文。出安東入涑者涑郡之濡也。廣輿記。出易州窮獨山。一名聖女水者。易州之濡也。並音儒。左傳。出高陽者。河間

之濡也。音而。三水皆由天津入海。此獨石口外之濡。讀如難音。與灤近。其水皆由永平府之樂亭縣入海。與畿內三濡迥不相涉。又水經注。蒼梧之濡水。出永豐縣濡山。字亦音儒。而惟灤河之濡水。源遠流長。雄於其四。酈道元水經注。所名亦適相同耳。

云。出禦夷鎮者也。昨歲命方觀承考濡源委。亦既繪其梗概。條分縷析。而爲之說矣。然以漢文訓蒙古語。未如同文韻統得字音之正。而鄂博之類

穿鑿更甚

蒙古語。謂堆砌石以表祭處。爲鄂博。方觀承乃書作義駮。且引鄭氏及詩大雅之言。證爲駮祭行路神之義。鑿而謬矣。曾爲鄂博說。以正其誤。他如們綽克之爲們。達巴罕之爲大。壩類此者。不可枚舉。難以一一爲之辨訂也。

因命嚮道大臣努三。挈方觀承

所遣同知黃立隆者。重循其源。以至其委。於是二千餘里之灤河。曲折分合。盡得其實。因詳註其地名。及諸水之涯流。而酈道元歐陽修等。並元史

河渠志所載相舛誤者都為四條考證如左夫江淮河濟中國之四瀆也其理大物博較之灤河濡水不啻倍蓰而禹貢以數語盡之茲注濡水數千言猶有未盡焉古今相去不可及者如此蓋得其簡則足以提要而欲其詳反不免致繁抑以塞外中土語言不同人跡罕至斯固難易所由殊然則就同文韻統會中外而傳灤水之實詎不在此時乎哉灤河源出獨石口外東北一百餘里巴延屯圖古爾山山為興安正幹自張家口向東至獨石口外為大山折而西北過上都城入於圍場之海喇堪與興安大嶺相連屬出泉處較興安山梁尤為特出山陽山陰樹木茂密與他山異信為名山山陽為民人居陞山陰皆察哈爾蒙古游牧地四泉湧出名都爾本諾爾涓流曲折伏而復見西北經訥克里和洛有小水自東注之又北經哈丹和碩之西噶爾都思台之水自東注之又曲折西北流至茂罕和碩自都爾本諾爾至此計七十餘里三道河自東來匯之其水一出摩霍爾達巴罕一出伊克達巴罕一出楚庫爾蘇達巴罕各相距十餘里匯為一河河流始暢又西北流復有二小水一自布爾噶蘇台一自克爾哈達先後來注之八十里經察汗格爾俗名西涼亭

# 灤

## 縣志

### 卷二

#### 地理 河流

烏蘭河屯至上都店入多倫諾爾界又北流十餘里經淖海和碩折而東北二百五十餘里經博洛河屯至庫爾圖巴爾噶遜河屯喀喇烏蘇自東注之又三十餘里至上都河屯上都即元開平府灤水經其城南故名上都河察汗諾爾自北注之又六十餘里經都什巴延珠爾克山至察汗鄂博東克伊綑河自東北來匯之河出興安山梁之陽南流伊克霍爾昆巴罕霍爾昆伊札爾三水自東注之西與海留臺河合而為一入於上都河河水倍暢折而東南流十八里至磴口額爾德尼布拉克自西注之其水經多倫諾爾之北又十二里至大河口圖爾根伊札爾河自東北來匯之其水亦出興安山梁之陽逶迤西南流錫喇札拜自北入之又西南流摩霍爾伊札爾自東南入之匯注於此又南流七里沙岱布拉克自西注之又折而西南流二里霍洛圖布拉克自東注之又九里海拉蘇台河自西注之又一里蒐集布拉克自東注之又南流一里渾齊布拉克亦自東注之又十里察汗郭勒自西注之又十一里什巴爾台河自東北注之其水出伊克空鄂洛鄂博西為木蘭圍場界又折而西復折而南八里克籌布拉克自西注之又十七里經雁北灘

入四旗廳界

布爾噶蘇台哈丹和碩河自西注之。又十七里經半壁山。又南經大廟灣。折而東。復折而西南。五十八里。頭道河自西注之。二又里羅密塔子亦自西注之。轉而東南流。三十二里至木廠。又折而東流。二十四里經韭菜梁。又九十五里經小遼東。至瓜地摩霍爾阿爾善所出之湯泉。自南注之。又二十七里經西屯。庫爾奇勒河。俗名小灤河。自北來匯之。其水出興安支分引。過托霍隆和洛。合為一。西南流。會瑪尼圖卡倫。哈朗圭達巴罕珠爾噶台。海拉蘇。台諸水。折而東南。會霍來郭勒哈爾渾諸水。又噶拜卓索阿魯布拉克昂阿諸水。復先後會之。自此遂名灤河。又二十七里至郭家屯。折而南流。四

十六里至大對山。又折而東。復折而南。屈曲行八十餘里。至興隆莊。入喀喇河。

南流五十九里。經五道河。折而西南流。四十九里。至張博灣。興州河自

西北來匯之。其源出沙爾呼山。西經土城子。東南流。曲注於此。折而東流。七十餘里。經喀喇河屯。

繞行宮東流。伊遜河自北來匯之。其水發源圍場內。南流。經博洛河屯。與伊瑪圖河合。西南流。屈折注此。東

南流三十四里至石門。入熱河廳界。又四十七里經鳳皇嶺。固都爾呼河自東

灤

縣志

卷二

地理 河流

北匯之。其源出固都爾呼達巴罕。西南流。與茅溝河合。又與賽音郭勒河合。三源既匯。沿避暑山莊東北。其水會茅溝後。即與湯泉合。至是行宮內亦有溫泉流出。水至此益大折而南流。四十三里。白河自西注之。此與發源瑪尼

圖達巴罕。經密雲縣。會潮河之白河異。又三十三里。老牛河自東北注之。又三十三里。至滴

水崖。南二河自東注之。又十里。柳河自西注之。又六里。車河自西注之。又

三十餘里。至門子哨。入遷安縣界。黃花川自西注之。又三十二里。清河自東注

之。又九里。豹河自東北注之。折而西流。二十里。經流河灘。又南流。折而東

復折而西。經楊枝峪。又東南流。二十一里。入潘家口。折而東。又折而西。十

里。經走馬哨。又二十四里。至澈河橋。澈河自西注之。又曲折東南流。七十

餘里。至白布店。恆河自西北注之。又折而東流。十餘里。至煤峪口。長河自

東北注之。又七十三里。過平崖子。清河自東北注之。此與黃花川南之清河異。折而南

流。二十餘里。至峽口。蛤螺河自東注之。又二十九里。過遷安縣西。經黃臺

山。又二十三里。折而東。三里。河自東注之。其河與二道泉合。又南流。二十餘里。經

孤竹城。入盧龍縣界。

又三十五里至合河口。清龍河自東北來匯之。

其源出時布克入桃

林口復有一水自冷口來會之。經永平府城西過虎頭石入於灤。

河流至此勢益寬大。又十一里繞雪峰寺。

又二十一里過武山西。橫河自西注之。又三里至偏涼汀。

入灤州界。

又東南

流五十六里過汀流河。

入樂亭縣界。

又三十六里至老河口。

灤河故道今涸。

又西南流

二十里至小河崖。清河自西北注之。

此與黃花川南及平崖子之清河俱異。

又七里至石家

坨。灤自此分支。

名高密河。常涸。大雨時仍分流達海。

折而西南流五十餘里至新橋口入於

海。自河源至此約二千餘里。

酈道元水經注云。濡水出禦夷鎮東南。案禦夷鎮為北魏六鎮之一。其建

鎮之所雖不可考。而魏太祖紀云。築長城於長川之西。自赤城西至五原

延袤二千里。又魏世祖破蠕蠕。列置降人於漠南。東至濡源。西概五原陰

山。分六鎮。是禦夷居六鎮之東。自獨石口外至開平。皆其故地。以今所考

上都河源方向核之。道元所言非盡無稽。惟云二源雙川。夾山西北流。則

灤

縣志

卷二

地理 河流

二

未能實辨。都爾本諾爾為濡水正源。而以夾山來會之。三道河誤為濡源。雙引其云。出山合城一川。則即今之茂罕和碩耳。至云又西北經禦夷故城東。其遺跡無可據。惟以鎮北百四十里計之。當在今烏蘭河屯之地。其餘諸山水。雖與今圖不能悉合。然所云又北經箕安山東。屈而東北流。似即今之多倫鄂博圖。其云經沙野西。又經沙野北。則似指伊克們綽克至喀喇烏蘇一帶。沙磧言之。其云三泉雁次合為一水。注呂泉水。則似今之克伊。綳河合伊克霍爾昆等三源也。云逆流水。則似今之伊札爾也。云木林山水。則似今之海留台水也。云又東盤泉水。自東北西南流。注濡河。則似今額爾德尼布拉克也。又所云東南水流迴曲。謂之曲河鎮。以今圖屈折形勢觀之。蓋即今大河口。自此以下。道元即闌入白檀要陽。案其地距所云會武列水之熱河境。尚七百餘里。漢時郡縣安得至此。其舛尚何待深辨乎。至云濡水又東南經盧龍塞。則為今之潘家口無疑。其云塞道自

無終東出渡濡水向林蘭陁東至清陁無終爲今玉田林蘭陁蓋今喜峰口清陁卽今冷口卽此以證不特塞垣疆界了然田疇引曹操迴軍盧龍塞之處亦可得其大概矣其自潘家口以內至入海處酈注所記州邑山水雖名稱今昔不同而以志乘訂之皆約略可數而未至大舛蓋道元於諸水源委詢考纂詳故所言時有相合者惟未嘗親履其地且以漢言誌蒙古山水名目往往傳訛傳會更不免謬以千里則泥古而不知覈實之過也

歐陽修云灤水出炭山東北胡三省通鑑注因之其後陳組綬職方圖考顧祖禹方輿紀要皆從其說今考獨石口外無所炭謂山者惟巴顏屯圖古爾山據努三云土人名其山爲黑老山案昔人有謂濡水出黑龍山者龍老音轉承訛黑龍山之言似不爲妄今巴延屯圖古爾山其陽石色黝黑所謂炭山或卽指此而明一統志乃以萬全縣南之炭山當之其地距

## 灤

### 縣志

#### 卷二

地理 河流

二一

獨石三百餘里則更風馬牛不相及矣元史河渠志灤水出金蓮川中今獨石口外濡源相近處無所謂金蓮川者案金史地理志云桓州曷里澣東川更名曰金蓮川又元史地理志云世祖命劉秉忠相宅於桓州東灤水北之龍岡中統元年爲開平府五年加號上都卽今之上都河屯正在灤水之北桓州尙在其西考元周伯琦扈從北行記云至失八爾圖地多泥淖路驛至此相合地多異花有名金蓮花者似荷而黃至察罕腦兒猶漢言白海也歷數驛始至桓州又王惲中堂事記云灤野蓋金人駐夏金蓮云云考其地皆與上都河屯相近失八爾圖當爲什巴爾台蒙古語泥濘處也在上都西少北察罕腦兒當爲察漢諾爾蒙古語白湖也在上都南少西金蓮川當在什巴爾台察漢諾爾之間元陳孚金蓮川詩云茫茫金蓮川日映山色赭昔人建離宮今存但古瓦蓋金時於此建景明宮爲避暑之所許安仁疏有金蓮千里之外語以距京師道里計之亦相合又

今什巴爾台少西北有和洛和山蓋卽金史所謂曷里許者川在其東去獨石口幾五百里其非濡源明甚周伯琦賦得灤河送蘇伯修詩云清灤悠悠北斗北千折縈環護邦國直疑銀漢天上來金蓮滿川淨如拭蓋灤河先經金蓮後至上都伯琦詠灤河而兼及金蓮殆指河流所經言之修元史者直以爲灤出金蓮川中誤矣

清聖祖灤河詩云寒邊遠繞至灤河澈底清明不見波駐蹕徘徊千萬里石鯨兩岸影嵯峨又灤河泛舟云平沙漠漠接長河天際浮雲落照多兩岸蒼山相竦峙扁舟一櫂任清波清高宗渡灤河詩云清蹕轉辰旂霜華畫罕浮初冬回帝里千古此灤州攬景目難給題詩輒留偏涼汀畔水待我再憑流邑人蔣犁夜下灤河詩云揚帆乘夜濟倚櫂思悠哉螢火月中暗浪花風裏開鷗飛知渚過犬吠識村來明發停舟處人家有美醅

別故河 在城西北二里發源自廟兒山東經柏樹莊高家坎演武廳西繞而東南合菽豆灣水由城西南角過前壑莊之南東折入於灤河  
菽豆灣 在城西北一里餘發源於橫山之陽秦莊之南明碑莊之西北南流過府君廟由城西南與別故河合

### 灤縣志

#### 卷二 地理 河流

一一一

五里河 在城南五里發源馬鞍山下北流至劉官營莊南又東流自巖山橋之北入灤河

祠堂溝河 在城南八里發源自巖山西南麓流經張家法寶莊中間東入灤河

二灤河 在城南二十里卽灤河之別支由蔡家營莊東分而西南流其地舊近閭芬溝有致自清光緒九年後頻歲水災均由此處決口汪洋澎湃沙水俱下西南行分爲數股其第一股由馬城東迤南十里至長凝之西北與在馬城之第二股水相合南經木梳莊西南至套里莊南又與在馬城西三里之第三股水相合自此而下入清河由清水高各莊公案橋西過土橋豐泰橋至大莊河東入海其第三股由馬城西四里陳家坡呂家甸南流過大孟莊數里至染各莊與第四股由呂家甸北折而南過姜家莊蓮臺下花港之水相合花港之上游又合大小二沂河之水入焉

按此河上流已經淤塞非水漲出漕不能泛入各股近由本縣紳民呈請上憲在蔡家營莊北一

帶修築石壩長一千三百四十五公尺高約六公尺耗款約三萬八千二百餘元近村賴以保障而各股水道已僅存故跡矣自此而下分爲二股西股由胡家坡之南十八泡之北轉而南龍灣坨之水自西北來匯之又轉而東南過倭城東北流至東南王家土莊西與東股自榮各莊南行經杜家土莊北之水相合水勢愈大西南經胡各莊暗牛淀西榮各莊東蠶沙口莊西入於海。

清州人王昌重修閭芬溝碑記云司牧之職錢穀刑名諸煩經理而其大者以爲民除害興利爲先州城傍灤水而西而余里濱河南近樂邑言夫河伯之肆虐也每暑雨連綿巨浸洪濤瀾漫田舍老幼男婦輒有沉竈產蛙之憂約計西南鄉不下三百村莊所在怨咨厥害最鉅距城十餘里爲閭芬溝舊有古堰蓋雍正十三年陞任方伯胡仁天洩州時創修禦水遺愛也嗣是間有補築自乾隆二十七年後基趾漸湮土紳彭劉諸君思以義倡踵式前型顧以事非一家功非一手樂成雖易圖始爲難天矜於民值我邑侯簡命初膺保障茲土下車之頃士紳公請重修惟我邑侯弗待躊躇約期七日估勘親臨隨下辦理之條隨佈勸捐之諭莫不提綱領揭肺腸董事者遵照指畫謹懷限期財非抑勒力務均齊乃得有條有理匪糾匪徐而及時告竣焉

### 附清光緒舊志閭芬溝考

閭芬溝在城南太平莊俗名石臺溝北有王家閘道光二十九年全莊淪

## 灤

### 縣志

#### 卷二

#### 地理 河流

一三三

陷溝南李家閘光緒十二年又陷此溝舊不通灤緣金據河北河以南皆宋地河北漕糧不足以供軍食乃因糧塞外自板城撒河一帶汎舟灤河輸歸金京而以倭城爲棲糧之所渠帥那顏倭蓋領之然灤河過偏涼汀卽逶迤東南入海不與倭城相通遂疏決閭芬溝爲運道引灤水會青沂兩河達倭城城久圯遺趾猶存城名倭者以此據此則閭芬溝乃金之運河在城東南十餘里非今二灤河支流之地也府志以二灤河爲閭芬溝誤。

謹按那顏倭蓋不見史傳俗稱元將俟考又舊志載閭芬溝故趾在法寶莊東南里許父老相傳如此其地尚有碑碣可尋今所謂閭芬溝則在馬城鎮北俗名二灤河者也其地純沙土性不能自固雖高如陵阜一經狂瀾衝激立時坍塌堰堵禦實爲下策迨債事後謀以石代不知水性遇硬則下刷堤必有底底亦沙也刷空而石能不陷乎合前後創修重補堤堰經費共用市錢十六萬七千九百緡有奇均付之流水矣以有關建置雖無功必志之重民力也清光緒十三年冬知州郭奇中因灤河水患請款修築閭芬溝堤堰繼任宮昱會同州判修築並建修龍神祠共用工料款市錢三萬六千有奇繼任吳積鑿修補閭芬溝舊堤加高倍厚共用工料款市錢三萬八千二百緡有奇又修築王家法寶決口修閭芬溝石堰共用工料款市錢八萬二千三百緡有奇又修築王家法寶決口

堤堰工料款市錢一萬五千七百緡有奇由光緒十三年迄二十二年總共用款十六萬七千九百緡有奇

龍灣子河 在城西南四十四里發源於霍各莊西南流經張各莊由龍灣坨龍灣莊松樹莊東南入漩河

漩河 一作陷河

在城西南發源於倂城北八里之于家泡折而西又折而東南至

倂城東北董家大橋與二灤河匯

按龍灣子河亦名綫河以其流微細下游即漩河其實一河也

清河

永平府志作清河舊志作清水河

在馬城西三里發源於翟家莊之西北流而南五里

有暖泉自河之西岸注焉

現此泉已閉復自彭家莊東出南流

東南流經李家大橋沙溝子清水

等莊下流數十里至大清河口入海

謹按嘉慶舊志清河在城南二十里發源於城西五子山東五里許有大泉沸流經城南八里曰八里河又經料馬臺邱官營伏流地中俗名地橋又東南二里經閻家莊復見爲龍溪亂流突湧分爲二派東派出南閘頭行一百三十里經樂亭西馬頭營達綠洋溝入海其西派由龍堂寺西南

## 灤縣志

### 卷二

地理 河流

二四

經破橋三岔口合沂河水折而西南下沙溝至澤坨會古懂河又南合大田泊達公案橋又西南至蠶沙口入海據此則今昔殊軌不特上游溷於二灤河下游亦迥非今之清河矣考清嘉慶志之清河似爲今之溝釀河光緒志之清河卽舊志之清水河二志均誤

小沂河 在城西二十里發源烽火山東港南經拐頭山雙山至菱角山東又名溝釀河亦名九釀河經八里橋折而東復折而西南至蓮臺與大沂河匯  
大沂河 在城西十八里發源烽火山西北二十里三港灣莊西由栗園莊東三岔院山西繞佛住山南達楊家院東南經芹菜山之西折而東南至蓮臺與小沂河合東南流經唐家泡王家土暗牛淀至蠶沙口入海

小青龍河 在城西南四十餘里發源於邢各莊歲靈雨則正北十餘里賈山泉水注之西南經齊家寺東蟠龍港西折而東過門家莊由庫司莊蘭坨莊之西吳家莊黃坨西城子之東入於海

岳家河 在城南六十里發源於茨榆坨北之長坨莊西南二十五里過大柳樹莊又西經曾家灣西北下流海灘入於海。

沙河 在城西四十里發源遷安縣西南草束子屯由沙河驛南流至新立莊之西巍峰山之東過石佛口南流值霽雨則賈山泉水自東來注之折而西南經海子厓石佛莊又經錢家營之東流而西南入豐潤界每夏秋漲發勢甚奔騰鄰岸田廬輒被漂沒。

石榴河 在城西六十里發源於城山之南五樹莊舊志作發源水峪南流至流河莊

之北折而南由古冶鎮之東經帥家河匯越河之水西南入於陡河。

二龍河 在城西七十里李家套莊東其發源有二故名一由白道子山一由圍山西南流至後莊營東十餘里合越河之水入陡河。

館水河 在城西北七十里發源於遷安縣之館山自王家甸子東北入境由甸子之北折而西南經麻灣坨東至榛子鎮牦牛橋正南三里流入陡河。

## 灤縣志

### 卷二

地理 河流

二五

陡河 在城西百二十里其上流在榛子鎮東有橋名承流橋俗名牦牛橋為牦牛河其下

游即為陡河發源之大者其東北有石榴河二龍河館水河其正北四十里泉子峪之大小龍潭水流至湯子窪西南過承流橋入焉其西北二十里有尖山峪之水經陳官營啞叭莊子東南至於橋入焉尖山峪之南十里又有黑山峪之水經亂石山煙筒山由鎮西折而東南亦入焉自北而南過屈家莊西缸窰莊東亮甲山之西唐山之東流而南二十里由稻地鎮南入豐潤界。

運糧河 在開平西北十五里發源於王千莊西南流與白寺口河會。

白寺口河 在城西北百一十里發源於任各莊南經白寺口莊南東家莊西合運糧河由李各莊西南流入陡河。

吳家河 在城南三十五里發源清水入倂城河。

古懂河 在城南四十里發源倂城南經石橋入青河。

繩家河 在城南四十里發源榆子林社遊觀莊經豐腴屯南入河漕。

龍堂河 在城南四十里發源李家莊經豐腴富莊屯入倂城河。

雙橋河 在城西八十五里一自松梁社泉河頭西南經峰山下入陡河一自

豐潤縣板橋河東南入陡河過石城西南經唐山橋名大河又南經王盼莊名

小河合帥家河入官渠。

龍灣河 在城西北九十里發源羅家嶺南即今泉子峪大小龍潭之水。

暖泉河 在城西九十里即今尖山峪之水。

唐家河 在城西九十里榛子鎮西發源狼窩舖嵯下即今黑山峪之水。

王家河 在城西一百二十里發源曹家口社南經鄭家莊水灣寺將軍坨入

官渠。

黃坨河 在城西南九十里發源遊觀莊經司一社入海。

七姐灣 在城西南八里。

小龍灣 在城西十五里小龍山下。

灤縣志 卷二 地理 河流

老龍灣 在城南二十五里。

蕭家灣 在城西南三十里下流入泮河。

沙角灣 在城南三十里。

海子長灣 在城西四十里海子沿莊產菱芡魚蝦下流入沙河。

董家灣 在城西南四十里產鯉鯽蝦蟹下流入西灤河即汀流河也。

龍落灣 在城南五十五里。

蓮臺港 有寺詳見名勝。在城南四十里于凝社散漫洄漩汜時流入泮河。今是港已漸淤塞半

田為桑

鴻鴉林港 在城南七十里狗兒莊社水急下流南入曾家灣。

麻灣港 在城南九十里獨莫城社一里。

唐王港 在城西南一百里。

任家港 在城西南百餘里司家莊。

金泉 在城西詳見名勝

甘泉 在城西北十五里味甘美相傳秦太子扶蘇築長城時駐此飲水又名扶蘇泉

于家泊 在城南五十里

大水泊 在城西南七十里發源土山經漢王渠南流為小水泊合孫家溝入沙河

大田泊 在城南獨莫城社

破風港 在城南四十里達韓家泊

王冢坨港 在城南九十里

潮河 在城南一百三十里海水蕩潏延漫百餘里即黑洋海口也縣境羣川悉由此入海潮河東二十里有蠶沙口讀史方輿紀要作蠶叢口一名林裏河亦曰交流河舊時海運多避風於此

灤縣志 卷二 地理 河流

獅子灣 在縣西南七十里套里莊

大港 在花港社城西南七十里

七里港 在孝家莊

馬家港 在城西南康家莊入小河

聶家港 在城西南

官渠河 在城西南陡河帥家河下流也至豐潤胥家莊漫入白場總達建河

入於海

齊家港 在城西南康家莊社

杏樹灣 在城西七十里自翟灣至此九灣皆瀦水不流者

靳家河 在城西八十里一名小青龍河發源自遊觀莊西五十里經司一司

二社又南二十里為黃坨河又二十里經柏家莊為寬頭河散流入於潮河

翟家灣 在城北三里

煖泉 一在城西北九十里。卽北甸河。一在西南百里龍灣。過唐山入大河。一在唐山下。傳爲姜將軍斬蛟處。一在城南八里龍溪。一在城西北八十里圍山下。俱沍寒不冰。

謹按以上河流。均由清光緒志嘉慶志以及永平府志參錄。嘉慶志距今百餘年。光緒志永平志。距今亦五六十年。其間陵谷變更。滄桑改易。或淤塞。或遷徙。年湮代遠。今昔殊形。茲就調查表詳爲校正。並繪河流全圖。載諸卷首。其故道無考者。注明以存舊跡焉。

海 在城南百三十里。東自樂亭界大清河口起。迤西二十五里至大莊河口。

嘉慶舊志作劉家河口。清河之下游也。

其南二里爲海棧。棧西里許有沙阜。係清初劉家墩分汎

舊基。礮臺遺蹟在焉。再西二十里至蠶沙口。二灤河之下游也。再西二十里至柏各莊

之南。俗名爲大麥口。小麥口。小青龍河之下游也。由此而西南五十里。折而北二十餘

里。至黑沿鋪。皆屬縣境。再西則豐潤界。統計東西一百三十餘里。海濱有七鋪。

## 灤縣志

### 卷二

#### 地理 河流

二八

佳夥鋪。高尚鋪。亂草集鋪。林雀鋪。老鋪。即三家鋪。夥旺鋪。黑沿鋪。

相距或二十里十餘里不等。皆漁戶聚網之所。

近蠶沙口二三十里皆鹽灘。自民國初年濟民場取消。境內皆改運長蘆鹽矣。

舊志云。灤境濱海之地。東西廣九十餘里。南北四十餘里。皆斥鹵不毛。如場之滌。遠或十數里。近亦七八里。間有人煙。蠣牆草屋。村止數家。曬鹽捕魚。外無生業。布粟所需。器械所用。均購之於數十里外。沿海之地。數萬頃。固以其五穀不生而棄之也。然而民無生計。或擇稍高之地。四圍築堤。堤外穿渠。夏秋之際。積雨於隄內。其鹹水下滲入渠。俟二三年。鹹性洩盡。堪以施種五穀。乃報認荒田。每段多止五六畝。過則雨水不足以洩。鹹遇稔歲。所收亦薄。不能與腴壤比也。考畿輔通志。光緒元年。提督周盛傳。在小站新城一帶。引流水滌鹹水。挑溝建閘。引溜刷鹹。以斥鹵之區。變爲沃壤。墾稻田至十三萬六千五百餘畝。迄今獲利匪淺。若以灤境濱海曠地。做而行之。其效自當相準。况灤水歲溢。而下游墊高。不能宣洩。受災村莊四

百餘處比歲皆然伊于胡底是所望於留心民瘼者為之出水火而登衽席也謹志沿海情形如此

唐太宗觀海詩云披襟眺滄海憑軾翫春芳積流橫地軸疏派引天潢仙氣凝三嶺和風散八荒拂晴雲布色穿浪日舒光照岸花分彩迷雲雁斷行懷卑運深廣持滿守靈長有形非易測無源詎可量洪濤經變野翠鳥屢成桑之眾思漢帝碣石想秦皇霞裳非本意端拱且圖王  
楊師道觀海詩云春山臨渤海征旅輟晨裝迴瞰盧龍塞斜瞻肅慎鄉洪波迴地軸孤嶼映雲光落日驚濤上浮天駭浪長仙臺隱螭架水府汎鼉梁碣石朝烟滅之眾歸雁翔北巡非漢后東幸異秦皇舉旗羽林客拔距少年場電掣驅遼水鵬飛出帶方將舉青邱繳安訪白霓裳  
獨孤及觀海詩云北登渤海島回首秦東門誰尸造物功鑿此天地源瀕洞吞百谷周流無四垠朗然混茫際望見天地根白日自中吐扶桑如可捫迢迢蓬萊峰想像金臺存秦帝曾經此登臨異飛翻揚旌百神會望口羣  
仙奔徐福竟何成羨門徒空言惟見石橋足千里潮水痕  
明知州陳士元觀海賦云元黃肇分一六凝質瀚呈靈函維幹極北包窮髮南控炎溢西環聚窟之州東浴扶桑之日曼倩之記不能詳元虛之篇不能畢也若派吸洋吐詞即小喻大四海之廣固可想像其形依稀其概也曰惟茲度乎東渤之隙浸碣石薄萊州掩朝鮮縈遼邱爾乃洪波漫漫細沫滑渙瀉漚濶濶滄溟涸涸納川不盈浮空無岸泐風發罔象鬪海若呀馮夷舞天吳怒陽侯鼓於是徒倏晦倏明鯤騰鵬亂若乃颶風發罔象鬪海若呀馮夷舞天吳怒陽侯鼓於是徒沃焦閉尾閭揚幕震雷車駭浪山疊激波電驅洶洶砥蕩芻煦泰嶽掀揭

灤縣志 卷二 地理 河流 二九

而反覆河澮漲瀾而淪胥狀如湫盤側轉會曲江而同區又如輞輪逆運傾天潢而下瀨迅勢所滌餘湍所窟鹽峻為之陸沈林阜為之潢淤若乃淡暄潛消晴市初旦鮫室出奇屢樓期爛變幻無端珍靈璀璨畫圖成於頃刻遠邇恍其輝煥地皇關土而直視羲和弭節以長嘆孔父登東而無語蘇公驚走以難判若乃極深之府至靜之央瀕洞渺渾茫察之無際測之無旁則有百靈棲息陰火鑿光神龍之所隱蟄巨鼈之所撐當寰宇是莫際測之無旁則有百靈棲息陰火鑿珠玉林積寶貝山藏徒無救於饑寒空競侈於遐方而已哉若乃陶唐之世汎濫延靡夏禹施功此焉伊始二老出而周興重譯來而波止卞人好勇於乘桴河伯見笑於秋水乃有不死之藥黃金之宮望之如雲就之有風鞭石莫有牽犬無功羨門馳騖乎騶生之術五利漂泊乎瑯琊之東悠悠海德何損何隆納汙受涓居卑量洪源泉盈科後進而宗  
江漢一瀉已瞬息而朝宗  
清邑人衛理元觀海詩云觀海難為水蒼茫萬壑宗渾成天一色直瀉雪千重吐納流何急包荒量有容浮槎堪近日我欲訪仙蹤

蠶沙口 在城南一百三十里一名蠶沙口河一名林裏河亦曰交流

河永平府志載蠶沙口即天  
清邑人史璿蠶沙口天妃宮詩云年年三月賈天妃晒  
網新從海上歸阿姑拈香酌酒風波無恙水田肥  
清邑人張燦蠶沙口詩云海外一荒村遠視如孤島命名謂蠶沙譎奇費探討斥

野恣遐觀萬象羅浩浩迤西半壁天百里人烟少潮聲動地來南望銀山皎天外  
黑雲翻游龍勢天矯海鶴下碧空飛鴻入雲杪古剎創何年周垣彌窳窳法相自  
莊嚴金碧光晶晶珊字翠琉璃鼉梁歷劫拗百尺近層霄危樓訝神造儼如靈鷲

峰飛集東溟表普天渡慈航多應海濱禱三月廿三日勝會香火燎佛頭寶篆勻殿角喬雲繚鼓吹雜鏡歌優孟衣冠姣弄巧援麒麟鎔裝兼素縞戲獅無吼哮宣威露牙爪登山百二重六龍駕峰嶸驚起海龍王莽濤萬頃森雜劇門紛華百技競拙巧衆聚似雲屯羣觀如堵遠停車齒密排聯綺雁行裊盡是歡喜緣嬉游除懊惱我今萬念灰俗緣未能了徇衆漫登場提壺伴朋好此處無樹陰鹽場淨如掃席地設匏樽海味堪餍飽青蝦大如拳蟹黃金玉寶陶然酌數杯臨風已醉倒昔時曾一遊今日復重到景物未全非領會異懷抱向昔眉山蘇海市看明曉寶闕燦金銀車馬飾文藻天神下玉京乘鸞空翠裏筵開王母桃仙饌安期棗霓裳一曲闕響遏行雲渺論茲眼福奇我愧東坡老公見海上仙我見海塵擾仙凡雖殊途高會無二道聚如海浮漚散則雲煙杳總將色空空色中底事比同細較考

曹妃甸

在海中距北岸四十里上有曹妃殿故名

郡志作曹母甸又作曹北甸皆誤曹妃事蹟舊志均未詳

不知始於何代

以圭表測之當州治正午線之西四十餘里其東北距大莊河口六十

里西北距柏各鎮六十里東八十餘里至樂亭界西七十餘里至豐潤界渤海

北岸有攔扛沙三道東自遼河口西至大沽口此其巨阜也甸係沙坨東西長

七里餘南北寬四里餘繞甸海水皆鹹惟曹妃殿前一井甚甘美

按樂亭縣志亦載此景爲

八景之一名古井甘泉蓋樂亭海中有三岡在甸東北皆漁人下網之地當時因以取景雖假諸境外然其意固在景也未必遂有他志乃日久好事者忽因景而欲據其地清光緒七年灤樂人互訟至郡立有斷案曹妃殿仍歸灤

### 灤縣志

#### 卷二

##### 地理 河流

三

白馬岡 在曹妃甸之西長七十餘里西北入豐潤界沙岡一道暗而不露土人操舟者知之

魚骨岡 在曹妃甸正北七里餘亦係暗沙

疙疸坨蛤坨 在曹妃甸之東北距大莊河口正南十餘里亦俱係暗沙

#### 附舊志海防

畿輔通志海防略載永平府灤州云府西南四十里南界海一百三十里

西南界海一百五十里其海口曰劉家河口

亦名清河口

曰蠶沙口俱州南

畿輔

輿圖蠶沙口城南百二十里天井之別南入於海灤控臨疆索翼蔽畿甸

負山濱海稱爲形勝契丹置州於此所以厚渝關之防聯絡營平窺覲幽冀也其後拱手而取燕雲女眞襲其迹而宋室爲之糜爛嗚呼灤州之置

此亦中外得失之機也歟

方輿紀要

海在州南百三十里亦謂之潮河海水蕩

潏延漫百餘里卽黑洋海口也州境羣川悉由此入海南望天津東望山

海爲州境之巨防。志云沂河東二十里有蠶叢口。一名林裏河。又曰交流河。舊時海運多避風於此。上同。曹妃殿卽西魚岡。無論潮長若干。不能漫過殿頂。檔册按州境惟陡河沙河下流由豐潤界黑洋河口入海。方輿紀要謂州境羣川悉由此入海與新舊水道皆不符。

永平府志云劉家河口屬灤州爲清河之末流。合沂河下注於海。卽今所謂大莊河口是也。北至州一百三十里。西至黑洋河七十里。過此爲豐潤境。東至樂亭大清河三十五里。寬二三丈不等。潮長水深四尺。潮落不過尺許。距河口十里。有攔扛沙一道。百石之舟。乘潮出入。尙無滯礙。二百石以上。須用小舟撥運。礮臺一座。舊基約略可考。惟無險可扼。似宜移築齊羅網鋪。因河流曲處。收左右環擊之勢。

永平依山阻海。前代重防邊。今時則重防海。所屬七州縣。除盧龍遷安外。由灤州迤東而樂亭。而昌黎。而撫甯。而臨榆。五邑皆濱海。灤州西界豐潤。臨榆東界甯遠。沿海東西約四百里。明代備寇之法。樂亭各口。有最衝次

灤

縣志

卷二

地理 河流 海防

衝之分。邇來通商各國輪舟所至。市埠如林。時局已一大變矣。夫渤海迴環二千餘里。由登萊徑朝鮮。際遼左。放於天津。而永郡適當其中。臨榆之甯海城。與朝鮮爲對渡。東出廟島。卽日本之太平洋。日人入中國。駕駛輪舟。朝發而夕至。可弗慮矣。顧論海防者。多云戰於海中。不知永屬宜防於海岸。何則。永屬各口。內河狹隘。水淺沙停。所謂鐵船夾板。皆無所施其技。卽朦朧走舸。乘潮駛入。臺兵憑高俯擊。於勢尤便。又或冒死登陸。後者莫繼。接濟將窮。知兵者必不出此。此陸兵所在。宜精練也。今各口臺墩傾頽。非復曩昔嚴整。然營制錯落。大小相維。當有事之秋。各守汛地。毋任海氛攔入。而又有游擊之師。往來策應。亦計之得者也。智開守永數年。今查閱海口。敢陳其略。光緒二年四月朔。新化游智開記。

灤境之海。距北岸四十里有曹妃殿。其東南有鐙樓。高六丈。夜則然鐙。蓋海舶出入。恃以定向者也。

按近日曹妃甸時被潮水所漫。廟宇傾圮。鐙塔亦毀。聞有太古怡和招商三輪船公司。遣人到該處。

架木然燈以備輪船  
夜間行船之標準云

南望大洋。片刻可達。惟限以攔扛沙。迴環如織。水深或二三尺。或四五尺不等。舟無大小。俱不能越。坨北水勢稍深。俗名二道溝。漁船及百餘石糧船。往來無礙。由此東至灤樂分界之臭水溝。所歷有魚骨岡。疙疸坨。南北蛤坨。再東過舊魚岡。皆係暗沙。此東出之路也。曹妃甸西北有白馬岡。長七十里。入豐潤縣界。亦係暗沙。百石糧艘。由口出入。如蟻穿九曲。非土人熟習海道者。不能直行無礙。其載舟二百石者。必俟潮長。乃能出入。三板且不能入口。輪船更無論矣。道光季年。及光緒甲午。海疆有事。必駐防兵於劉家河。即大莊河。凡大艦必帶小船。否則不能沿處。可以抵岸。然祇能防其東道。由臭水溝入者。可以堵禦。若西道由白馬岡入者。則鞭長莫及。是未履其地者不知也。以上參錄舊志。永平府志。

謹按我灤沿海一帶。雖有口岸數處。而港灣淺狹。稍大輪舟不能出入。明時因防海寇。曾視爲重要。今則東有秦皇島。西有大沽海口。實爲海防之

# 灤

## 縣志

### 卷二

#### 地理 河流 海防

三二

阨塞。乃大沽口於前清庚子之役。險要盡失。秦皇島近亦闕作輪埠。孟子云天時不如地利。地利不如人和。國無人和。雖天險亦不足恃矣。况灤境鐵軌橫貫。交通便利。一旦用兵。朝發夕至。而飛機一出。迅猛尤屬難當。至此海防亦等於虛設。天演物競。又進爲空中戰爭。地利云乎哉。

(七)地質

編者按禹貢冀州厥土惟白壤灤處冀之東北偏土性雖間有他色仍屬於白壤者居多茲按各區地質分別臚列如下

區 五 第		區 四 第		區 三 第		灤 縣 志	區 二 第		區 一 第		區	土		
											別	壤		
瘠近性 海質 則肥 礆沃		地為性 為鬆質 黏疏高 軟窪地		輭域屬 土灤 性河 鬆流		卷一 地理地質	土地 性屬 鬆平 疏原		鬆水多近 軟之乾山 地燥之地 多近地		性	壤		
塗黑 泥墳 而間		黃青 壤黎 白而 壤間		黎有 黃白 壤壤 青間			部白 壤占 大		白墳而高 壤下間地 地有黃 多赤壤		土	色		
棉宜 花梁 黍稷 麥菽 豆		梁蜀菽高 稷黍麥地 菽窪棉宜 麥地花 宜玉生		黍生菽梁 玉芋高稷 蜀藷地木 黍稷宜棉 稗稗花麥			黍稷花 麥菽生 豆芋花 藷芋梁		麥花諸稷 生沙地蜀 稗地宜黍 菽種種芋		種	植	所	宜
白 菜		花生					花薄 生荷		花生		特	產		
九收豐 元入年 約每 八畝		九收豐 元入年 約每 八畝		八收豐 元入年 約每 七畝			七收豐 元入年 約每 六畝		八收豐 元入年 約每 七畝		收	入	備	
收處流五 入多域區 亦鱗多地 不鹵膏屬 過不腴沂 二毛惟河 三即近及 元豐海清 年之河				時變年一 變成漲帶 成礆發地 沃薄無尚 壤而定肥於 者沙往沃灤 地往惟河 亦有腴因沿 有田每岸							考			

記 附	區 十 第	區 九 第	灤 縣 志	區 八 第	區 七 第	區 六 第	
煉子產按 礬石鐵林 礦供石西 每年給供 收入開趙 約秦啓各 二皇新唐 千島灰莊 元製公各 玻司礦 璃製產 每造煤 月洋每 收灰日 入每收 亦月入 數收約 百入九 元約萬 趙八元 各百治 莊元又 迤任北 旁家府 之莊山 煤山寺 產西 燒山 產山 硝坡	土地 性皆 焦山 燥田	參性 半質 疏燥	卷一 地理 地質 三四	性東為區 土部黏之 為性西 沙土部	沙 性 鬆 泄	鹵沿沙 海性 多疏 斥鬆	
	黎有赤 白墳墳 墳青間	白黃 壤壤 間有			間沙黏 有性性 黑色色 墳白黃	青白 黎壤 間有	黃青 白黎 壤色 間
	麥諸梁 玉稷 蜀菽 黍豆 棉芋	山梁 芋麥 棉豆 黍			蜀棉梁 黍花稷 粳花菽 稻生麥 玉豆	花梁 黍稷 麥菽 稗豆 稗棉	黍麥 棉花 花生 菽
	石硝鐵棗 子石煤				藍白菜		
	八收豐 元入年 約每 七畝			八收豐 元入年 約每 七畝	九收豐 年入年 約每 八畝	七收豐 元入年 約每 六畝	五收豐 元入年 約每 四畝
					三宗沿按 倍故岸八 營以區 園白地 藝菜最 者出肥 恒產沃 利為陡 市大 河		

(八)氣候 風向  
雨量

編者按灤境居渤海之陽地勢奧衍雖近邊徼氣候尙屬溫和故夏令極熱時節日間華氏表常升至九十餘度夜間或降至六七十度之間冬令極冷時節日間在四十餘度夜間或降至冰點以下春秋常在六十度上下所謂冬無祁寒夏無祁暑也立春後爲泮冰時期小雪前爲結冰時期酷暑約四五十日每年氣候大概如此

風向雨量每與海洋有直接之關係熱際每多東南風與西南風寒際每多東北風與西北風蓋西與北多山東與南多海夏令陸地熱冷空氣自海洋輸入陸地故風恒自東南與西南來冬令陸地寒冷空氣自陸地輸入海洋故風恒自東北與西北來風力大時爲春與冬雨量多時爲夏與秋故風之起也往往天地爲晦有掀沙漠霾日月之勢而雨量則恒藉渤海蒸發之力每年春間時虞不足而夏際又感過量當夫炎天酷暑海雲自南而北迅如奔馬大雨滂沱

灤縣志

卷二

地理 氣候 風向雨景

三五

連旬不止灤水必將暴漲沿河居民無不憂形於色云

(九)名勝

編者按名勝一門。所以誌古今山川之勝概也。騷人墨客。往往遇佳山水。性之所至。每有留題。故少陵望岱宗而吟詩。東坡遊赤壁而作賦。寄情風雅。無世無之。我縣北依山陬。南通海澨。雖無蓬島瀛洲之勝。而一山一水。為昔人所吟眺。載入篇什者。亦足以發思古之幽情。此八景之貽留。所以未能免俗也。如曰弄月吟風。無關實用。悉在刪汰之列。未免焚琴煮鶴之見矣。

灤水龍翔

在城東北五里。兩岸山形對峙。灤水倒峽奔流。南激於巖山東麓。十餘里曲折。縈紆。矯若龍翔。每夏秋漲發。倏忽之間。變態萬狀。亦一奇觀也。

元宋本灤河吟云。灤河上游。涸涓涓僅如帶。偏嶺下橫渡。復繞行都外。頗聞會衆潦。既遠勢滂沛。雖為禹貢遺。獨與東流會。乃知能自致。天壤無廣大。李士模灤河歌云。灤水一何清。喧豨日不止。迴風噴雪過。大荒渡壑穿。巖數千里。入關幾處抱。巖城形勢如弓復如矢。岸邊荒沙高接雲。波底驚石紛若齒。黯黯能

灤

縣志

卷二

地理名勝

令白日寒。天陰時有蛟龍起。憶昔榆關正。用兵旌旗白。羽亂縱橫。萬舸平衝。波上月清。筋吹徹。鼉鼉驚物。換星移。仍此水不改。濤聲改戰壘。兩兩沙鷗弄。夕陽秋風落。葉傷遊子。

清學正谷希賢灤江泛舟詩云。和風二月柳條新。載酒相携問水濱。行到偏涼名勝處。卻疑身是畫中人。全憑美酒潤詩腸。一霎清風動晚涼。醉後不知挾纊暖。只因身在水雲鄉。酒闌棋罷泛舟迴。猶帶歌聲一派來。歸路不須愁月暗。漁燈幾點照山隈。

清邑人吳閻灤江泛舟詩云。閒從河上泛魚槎。行到偏涼興更奢。天意若隨人意。暢笛聲欲靜鳥聲。譁一灣綠水浮紅日。兩岸青山走白沙。傍晚空明看不足。夾津漁火白橫斜。

清邑人衛純灤江碧波詩云。勢迴磯脚瀾深碧。韻繞灘頭波淺清。依浦不知何處去。引人雙屐此空明。

清訓導陳國麟遊灤江夜歸學署二首詩云。小艇乘風泛碧汀。山山環抱短長亭。夾津嫩柳纔舒服。半是含青半未青。雲歸遠岫晚風輕。歌棹聲寒酒半醒。隔岸漁燈堪代月。忍教辜負夜遊情。

清知州吳士鴻詩云。塞垣千里遠灤陽。天矯飛騰一綫長。瀏走中泓迴地軸。水歸滄海會天潢。桃花浪暖三春雨。玉燭瀾安九月霜。環抱州城資鎖鑰。豈徒形勝似龍翔。

清訓導黃步青詩云。尋源曾到炭山無。幻出奇觀儼畫圖。雪浪三層龍甲躍。金鱗萬點水紋鋪。雲飛極岸朝噓氣。月湧中流夜吐珠。入海還期靈雨降。春城桃李被

濡沾 清邑人李恩捷詩云。漣陽左界古灤陽。灤水飛騰晝夜長。勢躍龍蛇環紫極。波搖星斗接銀潢。海南會浪奔如電。炭北探源冷帶霜。兩岸田源資潤澤。研山旁峙鳳

翔。高邑人劉祖培甲戌春際泛舟灤河有感。扁舟一棹水中央。如此江山是故鄉。千載孤城據形勝。遼太祖肇置灤州史。謂州負山襟海。據朔漠形勝之地。一幾回戰血。門玄黃。念年來內戰劇烈。灤為兵家必爭之地。屢經隔河作戰。一風帆破浪。來天際。漁網當門。晒夕陽。最是故宮寥落甚。寒蕪滿地感滄桑。偏涼汀舊有金

清時代 行宮一 邑人張鳳翔灤水龍翔詩云。千里蜿蜒塞上來。奔騰到海走暄豎。巨流天矯朝宗去。錦浪縈紆抱峽回。雲羃虎頭明夕照。濤翻龜口響春雷。於今喜遇安瀾慶。萬頃膏腴兩岸開。

邑人李東林灤上雨後出遊二首。靜極翻思動。清遊不厭頻。昨宵微有雨。今日淨無塵。順水看搖櫓。聞聲驚故人。一撐船人遙與我。語蓋舊友人也。東關何處是我欲問河濱。出遊新雨後。天氣半晴陰。雲影自來去。山光忽淺深。頓興浮海意。聊作倚松吟。漫說劉莊在滄桑。灤水兩流之間。舊有一村曰劉莊。感不禁

研山虎踞 山形肖虎嘉慶時州牧吳士鴻因山在朱雀方改名研爵山又易虎踞為鳳翥曰研山鳳翥  
在城南五里東西綿亙怪石嵯峨其巔有廟有塔昔廢重建於道光初年北面

灤縣志 卷二 地理名勝 三七

絕壁千尺上多幽洞人莫能攀躋云  
清知州吳士鴻研山鳳翥詩云。鳳峙灤江一鏡涵。如屏如翰翼州南。鳴岐瑞藹文章著。立玉栖遲寤寐酣。彩煥九苞山。翦紫翠。六翻水拖藍。使君不盡登臨興。更

選旃檀 憩錦驂 清訓導黃步青詩云。山影高低乙字同。神威凜凜峙畿東。三春花發文初變。五夜風聲嘯更雄。壯士敢攬空攘臂。將軍善射不張弓。千秋昂首憑登眺。四野都歸一

望中 清州人李恩捷詩云。山光積翠水光涵。共訝桐岡峙郡南。石聳峯危半壁峭。花明樹媚小春酣。城連古寺雲生白。地接平田玉種藍。映日翹風時煥彩。登臨應憩使

君 清蘄水王炯九月八日。同陳彥甫大使。蕭章甫茂才。王叔穎二尹。步出城南。登巖山詩云。客居寡營慮。官舍如繭裏。久踟謀一舒。訂游朋意可。出郭面夷曠。山色已迎我。初行沙路淨。疾遄幸不頗。那識畦隴修。筋力蔭受瘴。懸崖切眉睫。未躡足先

或石神漸。怡山腰。再上有不果。俯抵覺。股慄。猛。作。背。廟。古。神。壑。更。勿。間。香。火。東。峯。本。平。立。塔。壘。補。巍。峨。中。實。不。可。登。當。時。匠。謀。左。巖。陰。轉。危。磴。石。洞。深。測。叵。獮。狢。下。山。指。灤。水。歸。路。思。泛。舸。邨。農。巾。牛。車。一。笑。乘。亦。妥。揮。手。謝。山。去。夕。烟。縈。澹。沱。一

邑人王恩錫清明日。同諸友登巖山眺灤河詩云。振衣絕頂響天風。夕烟縈澹沱。一望中。河勢龍翔來塞北。峰形虎踞控遼東。雲遮松樹天垂綠。浪捲桃花水瀉紅。佳

節今年不辜負盛  
遊雅集樂融融

### 偏涼虛閣

在城北五里橫山一名橫

東麓左俯灤河右倚峭壁中為盧灤往來大路陡澗

懸厓如行蜀道上有關門樓閣佛寺僧房清高宗東巡駐蹕因舊基為行宮修  
立御書碑亭照耀山川輝映千古益為灤之名勝矣

明瓊山邱濬偏涼汀記云太行西來數千里環帝畿而東又數百里散一支南出  
為平灤諸山灤河自邊塞迤邐東南行入平灤境始益大去灤州城北五里許橫  
渡山下是為偏涼汀汀出衆山間據川流之匯山之列其旁者有五若龍若榆若  
洞若紫金瓦隴之屬參錯聯互狻猊踞而龍蛇走其間林壑幽勝草木蔥蘢水之  
經其下者若漆若澈若沮若橫若肥如青龍之類下流胥會膏黛渟而綺縠張其  
間鳧雁翔集鱗族潛泳是誠一郡之奇觀也昔人鑿崖通道因山建亭歲久而岷  
近時中貴人重為修築然未殫厥美也及天順庚辰御馬少監韋公將命道茲  
舊加高下為圓門上為新亭規制宏侈丹碧照映登臨眺望一目千里山若增而  
高水若增而深與夫風景雲物之美咸若踴躍而突出也知永平府事古相  
周侯晟按屬至斯慨曰是不可無記迺以書走京師徵予記予復之曰山川信美  
矣景物亦奇矣矚目之頃可以盡得之奚用記為哉然有不可不知者蓋在古茲  
地為孤竹國漢唐時皆屬內地不幸五代初入於契丹始不可不知者蓋在古茲  
其時山川如故而其人則買賈焉忘其為華也久矣於倫日之用之常尚不可得而  
有况有所謂山水登臨之樂者哉幸而我高皇帝再造天下大正疆界茲地始復

### 灤

### 縣志

### 卷一

### 地理名勝

於古職方氏今日二三君子得以於此因勝遊以恣奇觀可不知所自哉登斯亭  
也見行旅往來於此以車以舟而無水陸之虞居民環處於此或佃或漁而遂生  
育之樂近而矚乎城市官寺屋宇衣冠文物如此其盛遠而望乎邊城樓櫓  
烽堠關隘如此其固若是者孰使之然與要不可不知也後之人有事過此而登  
斯亭者其尚悠然而長思惻惻

然而深慮矣乎於是乎記  
訓導高翰創修偏涼汀路記云距州治北五里許有灤河焉河東南入於海兩岸  
皆山龍山去東僅百步臨澗多沙名偏涼汀橫山在西岸之上水經於山下有  
路東通遼左西抵京師路中有團架亭於上扁曰偏涼亭前年亭為風雨頹毀  
亭下路崎嶇險仄怪石岑巖如齒如坑乘者至此為之下騎行者至此為之驚心  
若冰霜嚴凝陰風怒號足一不謹必墜水中尤為可憐人皆病其險力不能平成  
化丁未嘉定潘侯壽夫來守是州因公務之府一經此路慨然曰福董治之路為政  
之一事也不可不修即捐己俸命工匠使義官陳彬謝綸慨然曰福董治之路為政  
防以下深五丈築隄岸以牆高四尺關道南北長一百五十丈有奇路原廣三  
尺今四倍之石甃悉平乘者行者無復墜險之虞人皆便之經始於秋八月五日  
落成於冬十月一日既而復新此亭飾以丹堊金碧交輝快人心目且刻名於  
詠懸於壁又建僧堂三楹側舍十間樓閣森然所謂地與亭俱勝因人而勝也  
太僕丞江右張公德威奉命東巡適登斯亭履是路相與為記以彰侯之功因讓  
不獲記其實以傳永久  
宏治六年癸丑仲夏

邑人高擢重修偏涼汀記云偏涼者負橫山之陰巖崖峻拔四面遼闊風氣益襲  
陰颺一動雖烈火流金之候令人修修有挾纈意識其高也汀者當灤水衝注山  
下為潭澄凝莫測而潛淵之鱗見時所以得漁人泛取之不竭識其深也惟高山  
塵氛自遠惟深則滯慮自空此地之所以得其名也中築庵廬前構亭榭枕山臨

水明迴爽無窮也汀中樂映川澤縈迴山葩野卉秀舒榮時鳥候蟲皆奇觀  
四時相禪無窮也汀中樂映川澤縈迴山葩野卉秀舒榮時鳥候蟲皆奇觀  
而愛玩忘歸兼之可琴可奕可潔尊疊而飲無不宜者人之樂乎成色者類皆  
盧尚存入秋以邊事不果去嗣是者鮮目念焉竟就墟荒廢臺樹一空過此  
之駭且歎焉賤號寄冬有客僧募緣者郡之士夫耆民樂捐貲以助詎意竟  
岡之逾年乙丑夏庵廬成越明丙寅工飭材畚鍤於前如故制因雨而斃  
新宇繪楹煥然維新焉雖視諸棟宇亦足俟節散步亭中退坐廬注視久  
虞山川之風氣不渙一方之勝概不虛支九節於戲乎其亭之摧剝不  
時予滌煩襟脫俗况來遊於此披鶴覽衣心之樂也水焉而舟陸焉而並轡  
客之精神凝合物我兩忘恍若與造物遊予心之樂也水焉而舟陸焉而並轡  
樂者蓋不知其幾矣今人樂前人之樂以爲樂又將以今人之樂樂後人也  
乎記時嘉靖庚寅仲夏吉日

清通永道張安世重修偏涼汀記云北平郡爲神京左輔東枕關門西連都會  
臨滄海北跨長城其間郡舊有嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠  
塞外來歷郡城曰灤郡舊有嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠嶠  
對峙壁立如削河流其中奔浩漭漭即離變化與相汨汨有聲廟居其腰神  
關帝樓居其巔顏曰白雲俯視羣山即離變化與相汨汨有聲廟居其腰神  
職人則故大司馬高公之締造載在州乘由來久矣康熙乙未災黎告饑時  
也斜陽欲落樹影參差款乃漁歌空山谷應爲之低徊者久之而乃哀鴻未集王

灤

縣志

卷一

地理名勝

事靡盬不得驅車悵然而去事竣歸休而厥汀風景猶恍然在目因之起願  
修未嘗一日去諸懷內丙申春今上御極之五年余秩滿遷通永按察副使  
鎖鑰西京而灤正隸於屬乃得鳩工庀材因舊增新廢者存之棄者補之缺者  
之如白雲樓是興其廢也廟右小船房一帶西造山松柏是存其棄也而補之  
青雲亭益香池偏涼閣浮霞小樓凡茲創造捐俸閱年四紀而迄有成興  
或與客登臨四眺痛飲雄談說劍則氣指邊雲論河上之蓮舟沙棠一葉聽  
好句紛來塞地燕支情饒宦興遼西紅紛夢繞征人看河上之蓮舟沙棠一葉聽  
山陽之鐵笛牧馬千羣爲問黃沙白草非霍嫖姚之戰場乎又北則蘇子卿送李  
陵之故處也今其迹猶存焉若夫近而歸然在望乎清風也孤竹之舊  
墟也隱然而雄堞者昌黎也韓文公之食邑也而皆於涼臺一覽得之然則  
茲汀之見輯於余也幸也余之得遊茲汀而娛心悅目也亦幸也樓之建於松  
者振作斯土予之責也樓之仍額以古白雲樓者著始事也亦不欲沒高公之  
余今量移楚舉行將舍此而去矣踵事增修尤重有望於後之撫茲土者也是爲記

明湯肅詩云亭上晴嵐翠欲流亭前流水鏡光浮四檐巒障圍屏小兩岸山家樹  
木稠乘輿偶來紓遠望嶼岫最上頭飛崖欲墜枕寒流一塵不到清無敵六月方  
邑人夏暹詩云亭在嶼岫最上頭飛崖欲墜枕寒流一塵不到清無敵六月方  
暑氣收載酒昔年人尚在題詩今日我重遊憑欄無限登臨興細聽漁人倚棹  
朱裡遊偏涼汀過山洞山歌云朝宴偏涼汀夕渡橫河水洞更在橫山東嶂  
差畫屏裏一徑入山腹窈窕緣青蘿上臨頂拂蒼翠下極地迴盤陀橫者若  
雙峽直者如兵戈高者疑雉堞低者同旋渦互恍惚玉樹交柯中忍羅  
大哉造化皆靈異列空宛轉如青螺神奇物怪互恍惚玉樹交柯中忍羅  
辱仙跌坐懸厓間左爲大迦葉右者如阿難拈花顧一微笑點頭應無生關  
稜稜鐵色繡蒼蘚絕頂斜露天光慳我來遊覽當首夏綠陰啼鳥聲綿蠻探幽歷

險畫秉燭十步九折窮躋攀同登二三子府倅偕羣侯相逢邂逅總鄉曲文彩光  
映珊瑚鉤索我賦長句擬刻西巖頭要令姓字與山谷同傳萬歲而千秋我詩不  
足珍惟有德者名乃留君不見先  
王禮樂不假石天下至今稱孔周  
臨流構短楹層雲霾嶺翠落  
日映沙明野寺山腰迴長檻外橫憑闌遙對月萬古有餘清  
邑人馮餘慶詩云尋幽脫俗况採藥獨徘徊汀遠迷樵徑天  
見釣臺扁舟隨浪轉危閣傍雲開禪榻僧歸晚江鷗去復來  
空自負偷閒且學少年相  
遊伴水中鷗天開爽氣一腔豁潮湧晴光萬里浮報國有心空自負偷閒且學少年相

邑人葛桂迴文詩云忘情共賞愛涼亭境勝酣遊醉復醒簧弄鳥聲清吐谷網驚  
魚閃翠搖萍光生曉日迎高巘浪滾香花落淺汀長塞北通江水綠晚陽斜掩半  
青山  
判官王鉢詩云初識橫山路喜登江上臺亭高風力勁雲近雨聲來野闊山藏寺  
門幽徑鎖苔平生愛清勝日暮重徘徊澤州陳廷敬同永平唐太守灤州吳守灤  
河放舟晚登偏涼汀詩二首灤江極浦移舟遠漆水交流放擢寬隔渚濛濛空  
翠合連波森森夕陽殘漁村門向桃花映佛樓臺石筍攢晚泊謝公樓隱處欲  
携襍被宿層巒黃洛城西歷翠微金泉亭北類斜暉落花低檻時霽酒細雨探  
磯林不濕衣丹頂霞明雜鶴小銀鱗水長鯽魚肥也從仙吏消憂到歸夢江湖憶釣

灤

縣志

卷一

地理名勝

清高宗遊偏涼汀作云灤州境內兩奇勝夷齊廟及偏涼汀肅謁清聖挹古貌高  
臺臨碧為延停輿向南三十里橫山秀色蔚岌岌笑指面前灤水云急流先來  
我何駛蘭椒石磴登夤緣峰容波態相澄鮮遙思六月松下坐謾謾波泛涼來偏  
好景多屬化人國文殊問道維摩默摩挲往蹟辨金明壁上詩僧不識倚巖飛  
閣坐平流昔年有興一晌酬(舊作有偏汀涼畔水待我再憑流之句)化民成  
俗今年然不初心自問多增憂又即景四首橫云山佳氣擅灤州勝弗以雄祇以幽  
念四年中心企者隨緣一日暢來遊嶢峯峻挺水瀦洄步入林亭礪戶開卻指  
灤江滑笏處清風臺下先予來山容水態柏深秋前度詩情一瞬適設謂橫陳  
若屏障畫家應是李營邱偶然小駐惜前移偏喜  
涼風滿意披咨爾扈行牧民吏戒貪作法合如斯  
永平推官長洲尤侗偏涼汀登眺詩二首云獨憑虛閣俯灤河簫瑟涼風襟帶過  
不斷青山趨雉堞忽來白浪出漁簑夕陽背隴牛羊下秋草平沙鴻雁多四野荒  
蕪村舍少十年回首幾干戈此地風塵埋斷碣當年歌舞醉芳茵荒邱曠有松  
楸在廢屋行於鳥雀親秋水覺多濠濮意田家時侶武陵人峴山魂魄應相憶俯  
仰興衰  
一愴神  
萊陽宋琬偏涼汀詩云謝公高臥處屐齒至今留峯影朝臨牖波光夜入樓長松  
千笏立大海一杯浮欲訪三山去凌風一放舟此地園林少尤難近里閭樓臺  
新霽色城郭暮烟餘野飯春菰米霜刀膾鯽魚狂歌明月下歸釣每徐白石  
村邊路何如華子岡芰荷香作屋薛荔蔓為牆載酒偕裴迪抽毫憶謝莊憑闌意  
無限魚鳥欲相忘松徑蒼無際沙洲碧幾灣蟲聲秋雨外漁  
笛夕陽間怪石隨高下輕舸自往還羣鷗渾不去似愛主人賢  
邑人吳汝亮遊偏涼汀即至崆峒山詩云漁聲歌斷起樵聲水繞山圍兩岸青最  
惹東風無限恨一塵吹不到江亭又詩云水面風吹骨坐石雲冷衣山僧避月臥

詩客踏

花歸

清知州顧學潮偏涼汀禱雨詩云自春徂夏間得雨纔盈寸麥田已不花秧田未

能糞嗟彼力穡者束手皆坐困率屬禮百神階前首九頓若看雨勢來應有雷聲

迅厥壤分高下為霖徧遠近久旱祈庚辛

曉昏目一瞬作詩慰我農今年幸逢閏

又偏涼汀間眺得灣字詩云年來偷得在官閒選勝橫南往復還花柳接城六七

里亭臺臨水兩三間平頭土屋春開牖銜尾漁舟晚入灣蔬圃菜畦都望雨待看

繡野濕

烟鬢重遊偏涼汀再用灣字詩云肩輿侵曉出東關又許州官一日閒犁動田間宵得

雨魚多汀上水添灣小瓶貰酒傾休盡矮壁留詩寫更刪放眼風光春不淺未應

花信為

吾慳譚允謙詩云巖雲日氣少此地是偏涼石穴魚多美溪田稻

更香村深秋刈穫水闊夜鳴榔絕與江南似令人憶故鄉

蔡珽詩云徙倚對雲汀徘徊戀翠巒亂山當戶牖一鷺入

空明芳草春城路斜陽倦客情吟餘無個事心與暮江清

邑人馮國泰陪王菊莊山長遊偏涼汀詩云壬辰夏五天氣晴馮子初遊偏涼汀

時當赤日憚炎暑快攜蠟屐出南城不信呼舟先有客顧余一笑拍手迎及席而

坐者誰子二王之後駱李丁是日同遊者先生暨蓮溪旬邦聖川遠亭鳳陀共

七人焉一詩酒差訪竹林數溪山恍入桃源行觀者謂是神仙侶余亦歌出金石

聲沿流而下六七里虎頭之石何猗猗似此功略封則未將軍且然矧書生前林

正與蔡墳近乃公飛輓旂常銘謚以襄敏制曰可豐碑屬原留芳名乃知遇合自

灤

縣志

卷二

地理名勝

天定幸與不幸誰其爭江嶼凝茫鷺鷥白雪峰名寺映處松柏青粥魚響候日卓午

停橈聊復叩禪扃同儕於焉暫憩息雜陳野筴芳且馨曰予量小不善飲便從衲

子同談經逢場亦各恣所適而我賓主尤忘形此來已饒林壑與此去更深烟霞

情放鴨船歸茅屋小釣魚人去荒臺平誰知山重水複際別有畫圖天然呈到此

又一人問世置我冰壺潔且瑩古人秉燭夜以繼而况銜杯日未傾鬚眉蕭颯衣

裳冷仰瞻宸翰炳日星無多亭子懸崖置時有仙禽雜樹鳴可以案上聯石鼎可

以巖畔調玉笙可呼猿兮可招鶴可振衣兮可濯纓乘興而來興盡返杯盤狼籍

客已醒引人勝地爽如許招隱當不負山靈曲水瀦洄環如帶奇峯亂插削若屏

放棹中流月初出

一枕不知東方明

紹興許思湄詩云路迴山轉出重臺玉輦曾經幾度來灤水漲高天地闊橫巒雲

展畫圖開綠圍宮樹留風爽紅簇曇花帶雨栽倚檻頓教煩暑滌清涼端自勝蓬

萊

邑人惠春陶雨後獨遊偏涼汀詩云江亭水色淡無波

靜裏能添客興多坐久不知天欲晚貪看燕子點青莎

邑人衛鈍詩云石徑峻崢嶸入碧峯我來俯仰寄孤蹤煙迷遠嶺飛靈鷲江撼危亭

起睡龍四野林巒明晚照一筇歌嘯淡秋容白雲樓下歸時路回首蒼茫若個從

史目黃斑登偏涼絕頂望清風臺詩云汀上高樓接遠天雲開絕塞淨無煙盧龍

屢易興王地青史猶刊讓國年日落層臺山耀照春回舊里草芊眠關心最是灤

江水第一清

流屬古賢

知州吳士鴻詩云高閣凌虛抱建瓴翠華曾此駐雲軒樹連昌樂千行綠山擁盧

灤一抹青揉櫓下灘湍似箭浮鷗點水散於星嫖姚戰壘今何在惟有清風萬古



觸齒齒崖空多旁竇杳窅畏移趾景奇闕巖腹蒸滴石髓出洞更升巔雲梯隱岌巖其中頗宏朗曾棲讀書士茲境自昔開我聞蓋如此朋遊多好事相約窮岷岷放舟自偏涼一去十五里春江漾平淥風急浪花起遠岸多桃花寒遲未吐蕊江行頗放曠眼界俗塵洗中流洽談諧煎茶試江水時見眠沙鷺驚飛度淺汜層巒如送迎緣岸去迤邐峯迴石磯出繫纜傍沙觜石徑懸半空危垠暗已圯年衰筋力疲未上幾先餒平生登陟興口噤不敢哆慚無濟勝具賈勇謝諸子黃門亦倦登相與話船尾更期載月遊看花及上己知州游智開偏涼汀詩云征途苦熱此偏涼汀畔亭臺接上方畫檻遠橫丹嶂色飛檐空漾碧波光緣巖樹老遮回磴待渡人多坐夕陽曾是翠華巡幸地遐風終古誦羲皇又辛未九日詩云偏涼汀畔挹飛觴病骨經秋醉未妨南北舟車今十載親朋聚散幾重陽不辭宦遠臨滄海且喜山環似故鄉到此好憑高眺望瞳矇朝日上扶桑

王炯遊偏涼汀橫山詩云繫馬斜陽樹憑高石磴迴地形趨海盡山勢撼河來集開徵年稔民康識吏才一時揚俊卿刺史攝州篆有政聲一先朝曾駐蹕宸翰鬱崔嵬涼颯迎面拂此地不宜秋偏是耽奇客於茲結勝遊崖深剽佛古松老向人幽忽覺平橋響機車過碧流（河互鐵橋通火輪車）邑人張遇清遊偏涼汀詞調寄鷓鴣天草媚花香映曲櫺偏涼虛閣畫常局一灣灤水環幽谷半壁斜陽鎖短亭松似蓋石如屏遊人都愛晚峯青醉聽漁父灘頭喚一串鮮魚賣淺汀又五古一首橫山百丈高上構偏涼閣閣幽寂無人閣空花自落下有灤水流憑欄瞰絕壑昔年曾駐蹕御書古碑削老漁薄暮歸晒網灘頭

灤

縣志

卷二

地理名勝

四三

酌有客來題詩嘯傲驚栖鶴小憩長松下看僧閒采藥山鳥鳴鉤輅飛穿雲漠漠招招舟子呼隔岸虛谷諾風帆樹抄挂放水天廓層層高下峯怪訝五丁鑿有時雨後遊青光浮滿郭太守與刺史公暇觀魚躍樓臺煥然新聳峭插雲脚勝境比西湖玩賞快履著邑人蔣蘭畬香農同諸子游偏涼汀值雨詩云熱風吹樹作火聲黑雲一片倒壓

城大雨下注水氣立白晝似夜天冥冥疾雷震山室四動主人變色客欲行少時雲散紅日露山花含笑水鳥鳴絕壁松風落千丈六月涼氣收一亭舉頭東望見碣石濛濛雲氣垂天青北來諸山同傍水兩岸壁立似畫屏到此一斷露平野但放流水潮滄溟城郭參差夕陽下萬家煙火生晚晴我生年少誓終隱山中築室山下耕故鄉一別三十載陵谷已變人事更落落煙霞應識我塵容未免慚山靈隔岸暮峯青未了凭闌坐久涼月生

邑人蔣犁宿偏涼汀詩云天外歸來興正濃近鄉里處反忡忡燈昏衾冷難成寐臥聽橫山夜半鐘

橫井浮煙

知州吳士鴻因山居北方元武之地改為橫壘山名曰橫壘古井

在城北五里橫山上開覺寺前本天池也好事者因磬石為井週迴石欄數丈侵曉時若有煙霧浮焉

明知州薛穰橫山寺詩云數椽僧舍俛清溪細草春香路欲迷野水亂流灘上下巖山斜矗樹高低天生石井泉通海地接灤江柳暗隄撫景暢然心賞逸半林花雨鷓鴣啼

邑人厲汝進詩云碧嶂石泉似鑑開半煙半靄雜蒼苔一泓清影天河映百尺寒  
臺流地脈來梧繞銀牀疑竅闊煙浮玉檻覺灤洄水花僧汲穿荒徑帶得白雲入寶

清邑人汪鑑詩云為訪名山過石壘潺湲流水逝無波鐘聲遙指珠宮近霧氣時  
連貝雨多千里灤流拖白練四圍峯影簇青螺探奇試覓崖巔井靈蹟還須問跋

知州吳士鴻詩云州行五里歷橫壘煙靄晴空水不波俯仰灤江虛閣敞盤旋石  
磴晚涼多巒頭有穴穿金井潭面無風擁翠螺清磬一聲黃葉墜看他佛子誦阿

邑人張鳳翔遊橫山偏涼汀石佛大覺二寺記云乙亥春方從事修纂於縣志局  
景君怡樞賀君蓋忱劉君鑄蓀胡君雲章李君宗堯諸同人為郊外之遊早饋畢  
相率出北門沿馬路迤邐東北行惟時日暖風和春光明媚五里至車站市場購  
果餌食物越北寧路鐵軌循橫山東麓約行半里許至縣境所謂偏涼閣  
者遙見危亭聳立河畔窗洞開梁柱半圯而石佛古寺一該處即縣志所載石  
佛寺一已成瓦礫場矣龕內石佛尚存而佛頭不知何時已擊去閣之北面有清  
高宗所書御碑四字尚完好然屢被捶榻無人保護終不免有剝落之虞也寺壁間  
嵌明人書臥碑四字畫勁間有模糊者猶可辨識同人謀置之他處所上祠宇  
數間均已傾廢回憶三十年前金碧輝煌而宛如昔日乃一遺蹟劫火餘痕猶  
可覓俯視灤河帆影往來於澄碧浪間則僅存石礎遺蹟瞬風不殊舉  
目有江山之異撫今追昔能不惘然遊畢由山麓西行至大覺寺即前明之開  
覺寺也寺居山半橫井當其前一名勝中之橫井浮煙即此歷三十餘石級始

灤

縣志

卷一

地理名勝

四四

至寺門南嚮顏曰大覺巖山南障如列屏濡水東環如縈帶遠望邑城如斗  
軌如綫間闖闖錯縱如櫛比而此間則鐘聲佛號隔絕人寰已撲去俗塵三斗  
矣寺內有釋迦牟尼殿關岳祠呂祖祠住持道士三人方丈年八十餘善種樹山  
中樹木數十百株均為伊所手植今已蔚然成林山杏將開含苞吐萼鮮若點  
朱宋人詩稱紅杏枝頭春意鬧殆指此耶小坐飲茶休憩片刻歸途夕陽已西下  
矣夫灤巖邑也自遼金元明以迄近日為兵戰者不知凡幾而鐵路貫通八  
達咽喉要衝為用兵必爭之地今且劃為戰區矣商業蕭條農村破產時局飄搖  
朝不保夕幸賴鳳凰劉公佐周鎮斯土整軍經武除暴安良而民胥倚之不驚猶  
能作郊外之旅行者伊誰之力歟愛泚筆以記復成五律二首時民國二十四年  
三月也遊石佛寺詩云浩淼濡溪水增人感慨多愁看世界猶是古山河臺榭  
惟殘礎光陰歎逝波劫灰看遍地何日洗兵戈遊大覺寺詩云世事誰能覺空  
餘大覺名人心何憤憤天意自明明花木開

仙苑樓臺近上清歸途殘照外幾杵暮鐘聲  
邑人劉祖培乙亥暮春遊覽橫山東麓故行宮舊址感懷賦此同遊者景怡樞處  
長張采丞孝廉胡雲章主任李宗堯茂才也詩云荒臺突兀俯江潯舉目河山感  
慨深一角劫棋爭勝負百年豪傑幾登臨珠簾畫棟沉桑  
海沙鳥風帆自古今我輩蟬寄天地不禁淚沾巾  
邑人李東林民元夏與宗堯同遊偏涼汀之御碑亭感賦十年不到故行宮洞號  
硃砂水尚紅從此不知天子貴與君同作主人翁可憐宸翰如朝露喜看歸帆遇  
順風小立頓生今昔感河山無恙國旗雄

湫嶺松雲

在城西七十里一名湫嶺一名自來峯其巔有湫半山爲佛寺夾路長松四圍青嶂雨後常有雲繞又名白雲山

清邑人汪鑑詩云曠懷隨處寄遊蹤峻嶺嵯峨自倚筇颯爽松濤常帶雨溟濛雲氣欲遮峯岩巔刹古飛靈鷲湫底波澄穩蟄龍倦拂石衣聊小憩遙天陡落一聲鐘

知州吳士鴻詩云選勝探奇幾定蹤更尋僧舍曳疏筇靈湫濤出千秋鑑鷲嶺飛來十丈峰松澗陰深時見鹿岫雲舒捲每從龍倦遊未忍言歸去百八聲傳別院鐘

李恩捷詩云貪尋勝事覓遺蹤穿破芒屨更曳筇澗底長流不宿水雲間高聳自來峯潭深帶月開金鑑松老無風起臥龍自是名山藏古刹等閒清磬間疏鐘

圍山泉瀑泉詳山脈

在城西八十里有瀑布泉四五會流下入陡河

清邑人安如磐詩云圍山巖業匡廬比周遭盤結幾百里懸崖峭壁瀉流泉誰挽銀河傾地底飛湍激石石欲立氣勢勃澌遙相倚青山無風濤浪喧白日不雨雲雷起遠看素練掛青峯雪色千尋襯雲綺又如白虹貫石壁玉光萬丈垂天市亂入林樹花濛濛混來山澗石齒齒莫道今爲山下泉終能放作滄溟水乾坤萬古顯奇觀莊生之觀徒爲爾

灤縣志

卷一 地理 名勝

汪鑑詩云浮埃端不到仙檐百尺雲門挂水簾急雨斜飛風磴外寒芒直下雲峯尖于中人豈知炎夏對此衣應怯薄縑惆悵勝遊緣未得塵襟欲滌韻空拈知州吳士鴻詩云飛瀑空濛雨拂檐嫦娥垂下水晶簾百尋界破圍山峽一綫裁開石筍尖惆悵吳門翻匹練低徊廬岱展霜縑吟情到此增豪興更把蒼髯手自拈

天渠應侯詳見山脈

在城西北百餘里承流橋水自亂山中下洩於泉子峪其澗底皆石有若槽者有若甕若盆者渠水飛注於槽溢於甕決於盆有南北二槽其南槽則溢於午前北槽則溢於午後云

明邑人馮餘慶詩云世傳渠水自荒荒造化神奇豈易量南北異流分子午古今遞轉幾滄桑巧同刻漏渾無象候應測圭別有方我欲參求不可得好將秘旨問皇羲  
清邑人汪鑑詩云彷彿璇樞列水槽聲聲點滴聽嗷嘈淵泉時出分南北漏刻天成析杪毫誰倩山靈輸甲子絕勝圭景測低高陰陽化理當前是宣夜周髀自雜撓

知州吳士鴻詩云盆引天渠甕引槽一泉一石聽嘈嘈陰陽候景難逾刻南北分流不爽毫眩目公輪忘智巧運斤宋匠測低高郤嫌宮漏多機括故遣山靈法大

撓

李恩捷詩云。泉子通渠注石槽。水聲不住耳邊嘈。滴盆宛爾符移晷。入甕何曾爽半毫。或後或前分午正。流南流北漾波高。欲推天地干支理。恨我無從問大撓。

### 風洞飛虹

在城西八十里大峰山巔。洞口時有風吼。深黑莫測。每晨紫氣東飛。常如虹布。祀風師者必於其地焉。

明學正熊震詩云。天風風洞似簾櫳。巧匠穿山造化工。寥泝四時雲氣冷。谿訝八面水晶空。夢殘野老成蕉鹿。勝濟奚囊度雪鴻。遮莫勞生浮駛隙。何當掀足臥遊中。

邑人汪鑑詩云。洞門常倩白雲關。洞口飛花自滿山。終古風聲含穴底。有時虹影掛崖間。烟嵐縹緲籠千界。沙漱潑洄抱一灣。我欲凌虛探勝迹。好偕仙侶步螺鬟。

### 金泉渠月

在城西二里演武亭後。有池塘臺榭。值蓮花盛開。夜月可賞。今廢。按此地本無形勝。可覽築臺浚

池。植蓮種柳。均出自人為。轉瞬臺圯。池涇禾黍。油油與平野無異。

明永平知府曹懷詩云。一派寒泉太液清。金蓮出水絢霞明。清風入榻全無暑。華月當空故有情。倒影亭臺人共賞。沸聲歌管酒頻傾。坐中多少珠璣客。付與名家

## 灤縣志

### 卷二 地理名勝

四六

細品

評。清邑人汪鑑詩云。一灣月影照澄泓。鐵甲曾攔十萬兵。此日鶴鵝空結陣。當年龍虎便為營。池蓮燦燦疑茶火。隄柳依依舞旆旌。幸際昇平方偃武。勝遊不暇羨勳名。

知州吳士鴻詩云。為問金泉水一泓。昔誰攔甲夜談兵。風雲尚結梅花陣。刁斗猶傳細柳營。十里荷香嘶戰馬。千秋月色照懸旌。即今臺榭埋荒草。此地操防有盛名。

### 長春古淀

詳見古蹟。

在城西南九十里長春社。金時嘗建行宮於此。鑿渠通水。以恣遊觀。世宗朝改名大定淀。今廢。金建行宮。想必樓閣參差。林木森蔚。有景可觀。今則徧植桑麻。求所謂故宮遺址。了不可得。

明知州陳士元詩云。野淀空傳紅粉樓。淀邊衰柳覆寒流。建兒車馬那經眼。異世松雲尚帶愁。金屋謾迷滄島闊。瑤臺猶憶翠華留。可憐蕭氏能傾國。不及王嬙草邱。

邑人王好言詩云。春暮適單袷。淀水溫可風。馬蹏踏沙去。山路披蒙茸。雲收溪練白。日出村瞳紅。遺趾翳叢薄。見說長春宮。眼前走狐兔。金屋榛莽中。春色年年鎮長在。玉顏一去無遺蹤。君不見姑蘇臺。吳歌楚舞。今塵埃往事分明在人耳。千秋亦復令人哀。

邑人高吉昌詩云故宮鴟瓦紀遺樓野淀斜陽水尚流八部國殘誰有恨十香人  
豔自生愁佩環似聽松聲在匳鏡虛疑檻月留莫嘆回心空暑院玉環飛燕總荒  
邱

清邑人汪鑑詩云盤馬彎弓泣此州邊庭烽火幾春秋至今遺址留行殿伊昔長  
驅恣獵遊帝業遂基耶律相戰功空紀冠軍侯千年興廢歸陳迹定水蒼茫日夜  
流

知州吳士鴻詩云山海西來第一州嵯峨行殿幾經秋錦衣花帽天魔舞細犬蒼  
鷹獵騎遊元代楚材堪入相漢家曲逆枉封侯獨憐遺址長春社極日蒼茫定水  
流

### 龍溪地橋

龍溪發源城西五子山東南流十里伏入地中約二里許溢出爲溪合於沂河

### 俗名地橋

今其地名八里橋本無橋而謂之橋者即地橋也按此河又名溝釀河溢  
出後東南流經田家疇柳樹營復西南流經杜家營西流入老龍灣舊志

稱合於  
青河誤

清邑人汪鑑詩云龍溪異蹟幾時標五子峰前路不遙鷓濫一泓山有脈虹拖十  
里地爲橋勢同隱見黃河水派溯盈虛碧海潮自是天工眞匠巧梁浮穩渡漫鳴  
橈

## 灤縣志

### 卷二

#### 地理名勝

四七

知州吳士鴻詩云山名五子是誰標循澗東來十里遙驀地伏流滋繡甸翻疑平  
野跨紅橋源頭隱顯玲瓏水間尾乘除大小潮有客求仙過碣石騎鯨不用木蘭  
橈

邑人張鳳翔詩云五子山前舊有津淙淙流水浪翻銀鷺看泉脈平沙伏疑是虹  
腰斷港湮兩岸柳陰嘶馬地一竿笠影釣魚人尾間輪洩無防溢普渡慈航億萬  
春

### 蓮臺煙寺

在城南三十里臺高數十丈周數十畝上有古寺院宇清幽四面皆溪水灣環

稻田蓮港遠近布列每至春夏之時青連滕陌香滿陂塘而臺寺宛在中央隔

### 岸遙瞻已入煙雲深處矣

按陵谷時有變遷風景亦因之而異舊志載四面溪水灣  
環稻田蓮港遠近布列而寺巍然其中縹緲如在煙霧亦

奇觀也今則河流淤塞菱芡不生自清光緒九年後  
灤河頻溢四面俱爲平沙而寺漸荒廢無勝可攬矣

清邑人汪鑑詩云汀烟偶爲曉風開得得層巒入目來水繞週遭迷梵闕花圍四  
面簇蓮臺芒鞋攀確攀藤葛樵徑崎嶇踏草萊獨立峯頭試長嘯水光山影共低  
徊

知州吳士鴻詩云古刹深山一徑開漫隨猿鶴聽經來水圍四面荷花港烟鎖千  
層化雨臺貝葉曇雲通切利珠宮琳闕近蓬萊遙看海外帆如駛知是朝天貢使

回

訓導黃步青詩云。一灣流水繞層臺。誰把紅蓮處處栽。戲浪魚移花影動。隔溪風送磬聲來。烟飛古寺迷松徑。人坐扁舟對酒杯。此即深山真面目。何須海上問蓬萊。

閩公銑秋日遊蓮臺寺詩云。寺古臺空在。池荒蓮已枯。林聲疑過雨。日色冷平蕪。野水綠於染。遙山青欲無。高天望不極。秋逼海雲孤。

邑人王恩錫戊子重九日。張際亨先生具酒饌。邀諸同人作蓮臺遊。遣人催詩。因賦云。古今幾重陽。蓮臺幾重九。幾首重陽詩。幾杯重陽酒。徒誰永傳。詩人誰不。

朽雅士抒風懷。志士抒抱負。達者自達觀。拘者乃拘守。一樣重陽人。各殊某與某。

戊子之重陽。雅集良朋友。行上蓮臺。精神一抖擻。立步蓮臺巔。眼前羅萬有。浩歌行雲停。遠眺清流走。花港明一灣。稻畦百畝。行廚具豐備。杯盤列左右。團坐。

如來前。黃流酌滿斗。諸人飲興豪。角勝互戰。拇尖團。劈肥螯。雌黃嚼滿口。詩從酌。

意將有酒儘須拚。一醉無詩何以答。重陽滿山草。樹酣秋色興。會英奇蔚國光更。

有騷壇老宗匠。遣

平走馬促佳章。

邑人張鳳翔詩云。古刹菩提擅勝名。層臺環抱小蓬瀛。蒲團梵靜鐘聲動。寶鼎香。

沈篆影輕綠。潤稻田春欲暮。碧浮花港雨。初晴遙看雲樹蒼。茫裏佛閣參差夕。靄。

又重九日偕友人登高詩云。登高齊上古。蓮臺萬里風。雲一覽開。秋色遠從關。塞。

至梵聲時送貝經來。詩吟紅葉方提筆。酒倒黃花莫住盃。欲向青天搔首問。人間。

灤

縣志

卷二

地理名勝

四八

何處是蓬萊

謹按舊志灤縣有十二景。今多荒廢。仍照原志名目。按次錄入。以備省覽。

(十)古蹟

編者按一坏黃土半壁殘碑。往往流連瞻眺而不忍去者。非吾人好古之心之所驅使乎。土生千載下。凡往古興亡之陳迹。或為史乘所紀載。或為巷曲所流傳。搜羅不厭詳明。探討尤關切要。况政府於古蹟之保存。已著有明令。宜其為近世考古家所重視者也。

石城縣 遼史灤州統縣三。其三曰石城。唐貞觀中。於此置臨渝縣。萬歲通天元年。改石城縣。在灤州南三十里。唐儀鳳石刻在焉。在今縣城西九十里。遼徙治以就鹽官。與漢唐元魏所置之石城縣俱異。詳見顧亭林京東考古錄。金太宗時改為清州。見宋著作郎許亢宗奉使行程錄。明永樂三年。移開平中屯衛於石城。廢縣。遂名開平鎮。通典云。灤治本黃洛舊城。義豐倚焉。武經總要云。灤西九十里至石城。今開平東距灤治九十里。其為石城地無疑。然義豐石城。本兩地也。今開平既為石城地。而城碑里刻俱稱義豐。殊未可曉。豈石城裁後。曾以義豐移治歟。

灤縣志

卷二

地理

古蹟

附漕運金石

四九

海陽縣 漢初為侯國。史記功臣表。海陽侯搖母餘是也。至孝景四年。改為海陽縣。漢書云。有龍鮮水。封大水。緩虛水。皆南入海。按圖經云。龍鮮水。疑即縣西陡水。疑即沙河。有鹽官。魏書有橫山。新婦山。清水。水經注。魏氏土地記曰。令支城南六十里有海陽城。大抵海陽之境。北距肥如。令支。南際於海。今縣之東偏及樂亭地。

舊志云。遼史。隰州平海軍下刺史。屬縣一曰海陽。太祖天贊二年。以定州望都縣。俘戶。錯置其地。更名望都。注云。在灤州南三十里。金置平州。興平軍節度使。屬縣五。改望都為海山。蓋以其地有海陽山也。一統志。謂在永平府城南三十里。是漢之海陽。其治固無所考矣。

馬城縣 在州城南二十里。一統志云。馬城古塞名。唐平州北平郡。領縣三。其三曰馬城。蓋開元二十八年置縣。以通水運。宋史張穀以營灤二州併所領三縣來降。賜馬城名。安城。舊志載城周一千四百四十四步。高一丈五尺。門五。今廢。元史百官志。永平路馬城縣。立屯田總管府。即其地。義豐縣 今縣治。按即漢海陽縣地。屬遼西郡。隋為盧龍縣地。唐為石城縣地。

屬平州。唐季入契丹。遼史地理志云：本黃雒故城。黃雒水北出盧龍，南流入於濡水。世宗時置縣。金元因之。明初廢郡。縣志云：黃洛故城。殷時諸侯國。古史武丁析孤竹之地封功臣黃洛爲侯國。今縣城卽其故址也。

夕陽縣 漢置。洪稚存曰：在灤州西南。今無考。漢班固云：夕陽有鐵官。

昌城縣 漢置。洪稚存曰：在灤州西南。今無考。

古馬縣 在縣城西二十里。興廢無考。

長春宮 在城西南百二十里。金史大定二十年作大定淀於石城縣。建長春

宮。又名長春淀。舊志云：長春宮係遼蕭后所建。考遼之長春宮在長春州非石城之長春宮也。

樂亭趙建邦長春宮賦以石城有長春行宮爲韻云：不見夫衰草長隄夕陽古驛。樹老煙皺苔荒雨積環獸拋金瓦鴛埋碧如許荒涼幾多追惜乾元殿冷空悲女直河山良嶽圖殘莫問宣和苑賞菊東明草承鳳輦花拂蜨旌霞蒸虹棟日麗雲者乎余曰唯唯想其拜天西苑賞菊東明草承鳳輦花拂蜨旌霞蒸虹棟日麗雲。徵歌稱觴上壽教坊則色絹簪花武士則雕弓射柳鷓鴣曲裏如聞長樂鐘聲。鷺班中也有長楊賦手於斯時也亦足以快意管絃怡情詩酒樂也何如得未曾有。然則狎則生厭習焉若忘謂游豫可爲侯度謂溫柔別有仙鄉迺向離宮而駐。

### 灤縣志

#### 卷二 地理 古蹟

蹕迺求傾國而專房劇憐蓬島瑤池韶華貽蕩聽到荷花桂子逸興飛揚帳殿春濃捧金杯兮手輓鏡臺春煖鬪翠黛兮眉長又或毬場日永獵苑風馴盤馬而綠初雜草呼鷹而紅不驚塵氈懸來共拜風流天子月旗開處應携自夫人豹子河避暑年不羨灣名消夏雀兒庵從禽日日何須閣結臨春無何紫薇宮圯集慶宮傾青燐夜照碧草秋縈而是宮也亦復垣頽粉剝礎沒莓生三十六殿之樓臺惟堪繫馬百二十年之士女盡化嗚鶯明月自來空照當年遊幸翠華一去更看何日巡行予懷渺渺客意忡忡行歌落日憑弔臨風歌曰春去春來春雨蒙長春宮外野花紅行人莫當閒花採曾入金源御覽中高歌未已客意難窮倚歌而和古調相同客歌曰舞榭歌臺一曲終繁華已逐曉雲空寒鴉畢竟多情甚猶向斜陽覓故宮  
邑人張鳳翔懷古詩云：遼金曠代已千秋衰草荒烟共一邱無復盛筵開詐馬那堪往事問間鷗翠華曾下雲中闕金粉難尋水上樓一樣前朝飛放泊空餘碧浪流逐東

桃李城 卽長春宮。

丹陽宮 在縣城東三十里。金時建。今廢。

黃洛城 一統志云：殷時諸侯國之在灤州。卽今縣治也。

邑人張鳳翔登黃洛故城詩云：殷商故蹟覓郊垆。選勝登臨俯絕陁。橫山卽古三陁地。風定田禾叢。暗綠雲開澗樹擁。深青東襟濡水如縈帶。北枕橫山似列屏。景物無殊時勢異。遼金往事不堪聽。

千金冶城 在州西南七十里。孩古莊地。蓋石沙可炒鐵者。今尚有遺石立水中。洪稚存府廳州縣圖志云。千金冶在灤州西南。唐書地理志。馬城縣東北有千金冶城。與此異。

茂鄉鎮 在千金冶東。今無攷。

獨莫城 在州城南九十里。其城南有大田泊。皆有土城舊址。

倂城 在縣城南六十里。元將那顏倂蓋屯糧處。今鎮北遺址尚存。

李家莊城 在縣城南四十里。

稻地土城 在縣城西南百二十里。

柏家莊土城 在縣城南五十里。

唐山土城 在縣城西南百二十里。

扶蘇泉 遼史地理志。灤州有扶蘇泉。甚甘美。秦太子扶蘇北築長城。嘗駐此。郭造卿疑以爲狐蘇之誤。漢遼西郡有狐蘇縣。

## 灤縣志

### 卷二 地理 古蹟

五一

榛子鎮 在縣城西北九十里。金天輔七年。置灤州永安軍節度使。領縣四鎮。二。其一爲榛子鎮。獨吉義傳云。世宗次榛子嶺。聞海陵沒於軍中。謂義曰。信如卿所料。卽今榛子鎮。

三陁 通鑑晉穆帝永和六年。慕容霸軍至三陁。魏征東將軍鄧恆。惶悄焚倉庫。棄樂安遁去。注魏收地形志。海陽有橫山。蓋卽三陁之地。

擂鼓臺 在縣城西北一百里。册府元龜云。唐太宗貞觀十九年十月。征遼。次漢武臺。餘基三成。旁有祠。至營城。帝問侍臣。對曰。此漢武求仙之處。其地臨大海。多峻石險怪。後人借此擂鼓禦敵。因號爲營城擂鼓臺。

將臺 在縣城西八十五里。康莊屯。高丈五尺。廣八尺。長二十步。不知何時築。下有黃崖河。或云卽料馬臺。亦不詳爲何代矣。

千里臺 在州城北十里。週圍草場百餘頃。蓋古時牧馬地也。因馬有千里號。故名。今廢。

點馬廳 在州城北十里橫山營社砲石甸地方週百餘頃盡為草場中有廳點驗種馬民甚便焉為明代遺址故蹟猶存在千里臺之側今廢

雙雁坨 在縣城南二十里明成化時曾瘞二雁於此遂以名坨

明邑人倫浹雙雁坨詩云飛鴻有匹偶飲啄灤水阿但知謀稻梁不解離網羅弋人獲其雄繫之以為囹圄哀彼雌也孤悲鳴意無他終日自迴翔一夕忽來過相呼不肯釋糾頸死沙坨吁嗟彼羽毛處世曷么麼矯矯著奇節英英挽頹波矧伊毓靈秀貞烈更如何鶉奔恥無良狐綏志已訛爭如糾首禽一死良足多維世賴綱常聊賦哀鴻歌鴻名歷千秋大義永不磨

項家坨 在縣城西南八十里司家莊社長三里許多產荆棘其南瀦水數畝下流通任家港旁有古塚數十昔為耕者踏陷內出烟火藏有甲杖等物相傳為古王者墓復掘之則風沙迷目不敢向前遂揜之

謊糧坨 在縣城南五十里相傳唐太宗征高麗時為此以謊敵者其上亦有洞為鼠狐蛇虺之所居人不敢入

牛過莊 在縣城西北九十二里今訛為尤各莊先是有牧童遇虎童驚墜臥

### 灤縣志

#### 卷二

地理 古蹟

五二

牛腹下自必死牛乃怒與虎鬪觸虎斃童竟得生土人義牛因牛過其地遂以名村今村東廟壁上猶刻其像即牧童臥牛腹下牛觸虎死狀依稀尚有字跡莊分上下石刻在下牛過莊土人又名為東營

瞭馬臺 在徐家官寨東高三丈餘清道光二十八年雷劈其頂出水盡黑後村人揜之至今遺跡尚存

壯觀樓白雲樓 俱在偏涼汀今廢

清長洲尤侗春日白雲樓詩云獨凭虛閣俯灤波蕭瑟涼風襟帶過不斷青山趨雉堞忽來白浪出漁蓑夕陽背隴牛羊下秋草平沙鴻雁多四野荒蕪邨舍少十年回首幾干戈

六角亭四角亭 俱在偏涼汀清乾隆十九年重修

明許莊賦序云遼乾統初年柳城張子記偏梁亭梁字與今異蓋彼時水在榆南橫北舟楫留難故作偏橋偏梁以通縈路因以名亭今水不西去舊迹無存宣德初年鎮守阮公與金姓居士斬石蓋寺始有石路可通輿馬及商賈荷任之屬天順庚辰都憲鄒鎮守韋因亭圯乃於極阨甃門置亭其上但於梁無取故訛梁為涼耳或曰山以半削為偏此處如山梁而偏也

瑞蓮亭即金泉亭 在縣城西二里蓮池上明宏治中知州潘齡建今廢

明訓導劉澄瑞蓮亭記云瑞蓮亭距州西二里奇即疇昔金泉亭也歲久湮塞洄為荒壤戊申三月潘侯演武亭臺畚東北五十步許窆見石甃遺岸割開泉源水湧莫禦侯詢其所自居民曰此維金泉遺址俗名蓮花池於是濬沼引水架亭中壘種蓮盈沼植柳於隄四月後亭沼落成蓮莖滋茂蔚然一奇觀也侯榜曰金泉亭用復其故夏六月花開觀者旁午間有一朵英瓣差大議者以為花魁既而結成雙蓬人咸異之以為瑞也士大夫侈為歌詠侯命工繪圖揭之楣間歲庚戌太僕丞浮梁張君德瞭馬於灤詢知其歷乃曰亭乃所架也池乃所鑿也瑞蓮乃所召也忠厚之澤洽於品彙可容虛耶成周得同穎之禾著之篇誥可易亭為瑞蓮且屬澄記其事澄曰池蓮呈瑞時適圃之丁報一帶四茄是為嘉茄人亦繪圖矣草木英華暢為嘉瑞表顯一時詎非政通人和所感召耶時同官多潘侯之賢讐石記事侯自丁未知灤郡不疾不徐百廢畢舉歲已酉又修別故亭於茲亭之西規模相埒俱與民偕樂云

雪鴻亭 在瑞蓮亭右昔名別故嘉靖間知州趙業重修今廢

燕王坨 在縣城南六十里明燕王駐兵於此故名旁有小坨一登其上踏之空洞有聲相傳為明王者墳

濯清臺 在縣城東灤河側宋許亢宗奉使行程錄云灤州負麓面岡東行三里許亂山重疊形勢險峻河經其間河面闊三百步亦控扼之所也水極清深

### 灤縣志

#### 卷二 地理 古蹟

五三

臨河有大亭名曰濯清為塞北之絕郡守將迎於此回程錫宴是州按其地當在今偏涼

漢武臺 唐書太宗紀貞觀十九年九月戊午次漢武臺刻石紀功

大觀亭 在縣城東北五里偏涼汀之上舊名醒翁萬歷間知州林養棟更名

雨化堂 在城東南隅前海陽書院內即楊公祠現為女子小學校清嘉慶年間知州莫暮

建今廢

十美堂 在縣署本前明知州關西彭璘退思堂故址嗣邑知州趙葉以謫代

前牧張國維至用一峰羅氏文中誠廉儉恕勤敬嚴和仁寬十字為箴改名十

美今廢明知州趙葉有記

遼海亭 久廢

金高士談晚登遼海亭詩云登臨海面灑清風竟日憑闌興未窮殘色樓臺山向背夕陽城郭水西東客情到處身如寄別恨他時夢可通自歎不如華表鶴故鄉長在白雲中

中和館 久廢

金李晏中和館詩云。藤花滿地香仍在。松影拂雲寒未收。山鳥似嫌遊客到。一聲啼破小亭幽。

附舊志漕運

唐開元二十八年分盧龍石城二縣地置馬城縣通水運幽州刺史領之元會通河初開岸狹水淺不能負重歲不過數十萬石故終元之世海運不罷其由海通河者自三岔河有三道一由直沽經白河至通州一由娘娘宮經糧河至薊州一由蘆台經黑洋河蠶沙口清河至灤州是灤之漕乃岔河東道若善導之自遼西右北平無不可通者中統間因陸運之費從姚演言欲通漕勢不可遂止而併可漕者廢之但資造船之役焉至元十七年正月戊辰賜開灤河五衛軍鈔十九年四月壬寅勅灤河造官車給糧費五月庚辰造船於灤州發軍民合九千人令探馬赤白帶領之伐木於山及取於寺觀墳墓官酬其值仍

灤

縣志

卷二

地理 古蹟 漕運

五四

命桑哥遣人督之九月壬申勅平灤高麗耽羅及楊泉等州造大小船二

千艘。初造車以通陸運。尋造船以備漕也。

二十年正月庚午以平灤造船去運木所遠民疲於役徙於撫甯之陽河

二十一年十一月戊子命北京宣慰司修灤河故道。為將漕也。

二十八年九月姚演奉勅疏濬灤河漕運上都取沿河蓋露困工匠雜物

仍預來歲漕船五百艘水手一萬牽夫二萬四千命省臣等集議尋罷止

明洪武八年五月己巳遣潁川侯傅友德往北平備邊疏陳五事言永平

民接運軍儲由鴉洪橋至府道里頗遠宜通清河灤河故道漕運則用力

少而成功多矣上嘉其言尋召還成化十七年管糧郎中鄭廉奏言豐潤

還鄉河可通漕永平東盈倉可移置而海運之粟可分貯以便永平山海

之餉上可之賜名豐盈倉。由漕水還鄉河東導陡河抵沙河通陷河而及青灤漕水小非灤所通沙河淤濫隨行隨止不一二

年壅塞如故

隆慶元年巡撫耿隨卿奏通灤河海運原議挑挖清河自王家閘起至新橋海口止凡百四十里乃漕運故道初允其議尋以御史劉翹疏阻而止萬歷二年守備李惟學勦稱漕道前歲雖議復開不案水勢輒就灤河末流通海是非知運言也今勘灤河西岸王家閘大水劈心灘至分出支河由支河西岸至蔡家營許家墳南閘頭皆先年運糧故道雖年久河迹見存挑濬不可徑投灤河須隔灤河西岸往南順崖船行至北復南庶無衝徑之虞再由翟家莊龍堂橋暖泉破橋王家莊李家橋獅子營套里莊沙溝店宋家莊橋翟坨莊達清河之費家橋至土兒莊再由土兒莊武家營羅各莊廣東營高各莊焦家莊潘家莊麻灣莊公案橋韓家道口莊坨營白家營廖指莊杜家務劉石莊閣兒坨陳家莊至鄭家莊止共計凡一百一十里統查地形其自翟家莊以下至暖泉雖細流不絕不能成河仍須挑挖自暖泉以下有大洋數處翻湧成河然其流未大宜開闊之自破橋

迤南水勢漸大十里許與沂河合併青河水勢深廣至鄭家莊橋河道不絕其底皆平坦實土無沙石岡阜相隔但河身稍窄略加開闊爲易自鄭家莊至東新莊石臼坨馬營巡檢司新橋觀音寺套里莊下馬坨灣坨楊家廟煙墩遂至於海計共二十五里俱通潮水深闊俱六七尺無庸挑濬惟海口漫散略加扒挖舟楫無阻矣議上不果行

知府孫維城復議海運故道直捷而所經蠶沙綠洋各口螭房山石臼坨險島有風濤之慮舟楫多被損失故道之所由廢此國初旣通旋罷今誠難議覆也其通蘆臺漕河無危然必從白場兔兒坨上下挑出道路迂行四五百里中多堆沙難挑易塞不惟工大財誶抑且徒勞無益民則懲咽而廢食官以覆轍爲畏途矣因委武學科正王宏爵博訪詳度據稱自灤州王家閘起引灤水入清河導入王家坨河再導使由艾家青溝下接斬家河以通交流河進黑洋海口經建河堂兒上百有十里復出大沽海口

入通州運糧河而達天津。地里近。工費省。間雖有百餘里海道。然鹽船乘潮往來。不聞有覆溺。足知無虞。詢之於衆。皆言挑此。比舊二議爲便。本府乃躬視灤州迤東二十里馬城堡西。爲王家閘。其南閘相距十里。原係海運入灤故道。嗣因罷運久湮。遂成平田。而閘迹尙存。南閘頭六里。至龍堂橋。北有細泉。或伏或見。成溝僅一丈。不堪載舟。是清河小發源也。再二里有暖泉。混混南流。漸遠漸大。是清河大發源也。闊二丈。或二丈五尺。深尺半。或二三尺。三四尺。再八里許。則沂河自五子山西灌之。其流益大。益深矣。闊三丈。或二丈五尺。深堪通艇。又二十里。陷河貫之。水不甚大。又三里。至歇駕橋。又三里半。至土兒社李家莊。其深闊與上等。然不免從此南趨。綠洋口入海。原運皆由口北上。家閘今馬頭營固其舊。囤倉處李家莊迤上河原寬。淤填其半。而岸有曠地。其西半溝半道。相雜民田。約十數里。過即王家坨河。無源。灤河漲入。青不能容。必從李家莊西瀉。遂下注之。加之。

## 灤

### 縣志

#### 卷二

地理 古蹟 漕運

五六

秋露泊湖等港。諸水湊集。故爲極闊。不減二十餘步。雖中間斷淺不一。而深處爲多。詢土人老者。皆言自幼未見其涸。今春深三四尺。夏秋旱甚。始消。是深者常而涸者暫也。且灣環曲直。自樊各莊起。而高廟莊。而曲荒店。而甄窩店。而馬孤塘。而賈各莊。而狗兒村。而印步店。凡四十餘里。至楊家莊。亦南趨海。莊南有沙坨。長一里。高可五尺。若穿之。卽艾家青溝。東西長七里。或荒或田。深如溝。十歲九渰。今旱始涸。其地多無錢糧。民視之。不甚惜。堪濬爲河。過梁各莊。而靳家河疏經焉。其初甚微。出四里至黃坨。闊一丈五尺。又五里至雙坨。闊三丈。又六里至柏各莊。闊六丈。深皆沒胸。堪載大舟。稍南散漫。三股併流。闊常數丈矣。凡鹽船泊交流河者。可望相去五里。其源本相接。因鹽丁不便往來。遂塞使不通。河名交流者。由海潮而成。故微有五里淤淺。外則大潮所至。橫斜行七十餘里。入黑洋海口。又三十里。則建河海口。又四十里。則堂兒上海口。又四十里。則大沽海口。出口入

通州運糧白河百餘里。卽天津衛矣。是此道一通。不過三百餘里。舟可徑由天津抵灤。比西由蘆臺河道。豈但倍近。且惟黑洋海口。至大沽百十里。由海隨鹽船出入。當保無他虞。比由綠洋海口造灤。其遠近險夷。安危亦不啻十百相懸焉。中間應挑之處。計大費工力者。不過交流河。接靳家河。五里黃坨。抵艾家青溝。十二里李家莊。抵樊各莊。十里暖泉。抵南閘頭。八里與夫王家坨。河之經楊家莊。印步店。狗兒莊。賈各莊。土淤高厚者。十二三里耳。其餘或止應挑深五六尺。七八尺。濶五六步七八步者。約以河五丈計之。論工大小。折半通算。濶三丈深一丈者。總不過百三十餘里耳。工固不甚多也。况下因川澤。不損民居。妨田不及五頃。其價不足百金。驗河所經。惟李家莊西有沙三里。楊家莊南有沙一里。其餘俱土脈膠固。無憂其善崩。河之所自。若暖泉。若泮河。若陷河。若靳家河。俱水性如常。可弗苦其變遷。則語有利無害。又孰以踰乎此。惟王家閘一處。議者每言挑接灤

## 灤

### 縣志

#### 卷二

地理 古蹟 漕運

五七

河雖便通舟。然灤河西下平岸一丈八尺。焉能使之逆流而上入清河哉。且灤暴湍。常帶沙石。漲則閘不能制。退必遺沙填積。將來歲挑繁費。恐反爲青梗。莫若挑清河至馬城本堡。方議修壕。以壕工築城。而借壕爲河。使可容數十舟。南來運艘。俱住此焉。雖隔灤尚五六里。道不甚多。且平坦便車。至灤易舟而運。則青不受沙石之擾。而挑夫可省歲費。似於計兩便也。誠於可挑者挑之。可因者因之。而李家莊楊家莊南岸各築大壩一道。以阻清河。並防順王家坨河入海。量置涵洞。備大水宣洩。使青之水盡入王家坨。接靳家河。其所置閘。設夫守之。潮至則啟。退則閉。又於暖泉上亦置閘。以蓄上流細水。則水常足。舟可輓行。天津之運餉。無不順下於灤矣。由灤而北。運建昌太平。西運灤陽漢莊。陸運喜峯松棚三屯附近營路。東運桃林等口。其水路皆可次第畢通。豈惟兵食有賴。卽應屬州縣。歲殊豐歉。粟有出入。且商舶輳集。百貨可致。將變爲富庶之區矣。舊志云。宏爵議建

開六處以驅灤水入清河則王家閘當復舊而今惟達於馬城復唐之舊規則此閘不復置其云驅青河水西通曲荒店則歇駕橋當置閘驅王家坨水通梁各莊河則印步店當置閘今議於李家莊楊家莊各壩爲涵洞惟於接靳家河閘之而暖泉上先置閘蓄焉是皆要領肯綮矣然宏爵云海邊潮河自蘆臺南旱沽子起東行三十里至大坨可通巨船坨東北五十五里由椿樹溝高家莊通於建河下稍順河東北行十里至碓臼兒又東十五里至于家沽入黑洋潮河則黑洋迤西全用建河上稍遷安豐潤所匯泊場之水每年積聚不涸今開漕當閘碓臼兒束水東入于家沽以接黑洋河閘李家莊使水西通大坨接旱沽子是東爲李家莊壩西爲李家莊閘中間宣洩合宜尤爲萬全之計也視之沙河旣省而於海運故道其挑濬之費相當且獲避螭坨之險當事如欲爲之可採擇斯議焉

謹按舊志載灤州通漕運議疏濬事終寢廢不行光緒志譏其迂不爲無見然所稱凡海運以甜水溝進口以撥船起運由長凝馬城一帶直抵縣治數語亦一時

### 灤

### 縣志

### 卷二

### 地理 古蹟 漕運 金石

### 五八

目前之擬議爰彼時二灤河道尚未湮塞小船均可通行海口也今灤河下游已東徙二灤河由馬城長凝入海之道久已淤平滄海桑田上下四十年間已變遷如是又遑論數百年前漕運之故蹟耶況今日鐵軌輪船交通便利凡百運輸縱橫國內無有停滯之慮漕運一項久已廢而不用本在刪汰不論之列茲因舊志所載存其梗概亦以備後人稽古者之考核而已

### 附金石

### 唐

儀鳳石刻 石城縣在灤州南三十里儀鳳石刻在焉

遼史地理志按石城在今縣城西九

十里遼史云在州南三十里或當時灤治在石城之北歟

又明一統志石城廢縣在灤州西九十里漢舊縣屬右北平後廢至唐復置金因之此碑刻已不可訪

### 後唐

神慶廟碑 碑在石城縣唐山洞貞觀內按元州人張勛姜將軍墓誌銘略云後唐清泰間將軍受命持節北鎮渝關碣石有縣曰石城有山曰唐山有水曰唐溪將軍乃建城郭而居之唐溪之水有蛟爲害居民苦之將

軍斬蛟於溪上。民咸以爲神。將軍沒。民感其功德。建廟於溪上。號曰神慶。時致祭焉。將軍有二夫人。七子。七女。皆得配享本廟。

畿輔通志云。將軍不知何許人。其名號事蹟。皆不可考。新舊五代史。皆無姜姓列傳。清泰爲後唐末帝紀年。而兩史末帝本紀。亦無其人。後唐於清泰三年。爲後晉石敬瑭所篡。而平州在燕雲十六州之列。皆輸與契丹。碑稱清泰間。持節鎮渝關。將軍築城居之。沒於此。則自後唐亡後。仍仕契丹。而遼史亦無其人。更不可考矣。遼

永慶寺碑 寺在城西南百里薛各莊。遼咸雍十年甲寅七月建。有遼碑。

鄉貢進士王慶延撰。鄉貢進士李文治書。

臥如寺碑 寺在城西南百二十里曾家灣。

此碑大康七年所立。其首題云。大遼義豐縣榆子林西堡曾家灣臥如院都維社李守民武清縣南張性講經業論沙門行闡撰書。又叙寺初建於清寧癸卯落成於大康辛酉。建寺者乃李守民爲首。故其題稱曰都維社也。都維那蓋釋家施主之別稱。與檀越護法等稱同。乃此不曰維那。而曰維社。可見鄉里之陋。釋典初入中國。止有大小乘經之別。後乃分其等類。別其名目。如西土原有此經。入經高僧翻譯者。曰支那撰述者。曰論而經論之中。全講法戒者。曰律。此沙門行闡題銜曰講經業論。蓋與儒家言習某經者等義。遼金設經律論三學。以試釋子。以其考優者爲法師。此行闡題銜蓋即試優者也。義豐縣遼置。今廢。清寧大康皆遼

灤

縣志

卷二

地理 古蹟 金石

道宗紀年癸卯乃清甯九年辛酉乃大康七年。

韓將軍常墓碑 遼將韓常墓在城西南一百里高莊子。有碑。

金

七里橋碑 在馬城西南七里。今名龍塘橋廢。

大定八年五月二十六日。都維那程君統立。

石承事郎馬城主簿盧啟臣撰。饒濟書。裴仁端刊。昭信校尉行縣尉飛騎

尉高順昌。從仕郎主簿文志華。昭信校尉行縣丞飛騎尉李揮。敦信校尉

行縣丞飛騎尉宋倬。舊志稱盧啟臣爲灤州刺史。宋倬爲馬城縣令。永平府志

比邱尼圓照塔銘 金比邱尼圓照。姓李氏。李家莊人。於莊側築菴。其塔

銘尚存。大定二十八年歲次戊申二月癸亥日。庚午科進士張時行撰。碑

首標曰灤州馬城縣宋罕保比邱尼圓照塔之銘。其餘文字已斑剝不能

盡辨。永平府志

元

贈鎮國上將軍吉士寬墓表 在城西四十五里宜安店東碑字模糊翁仲僅存殆與鮮卑公同時邑人宋謙亨撰墓誌

誌中稱公諱士寬其先邑於中山五代未徙居灤幼而淵靜長而寬厚質累鉅萬有不給者周之鄉里咸稱為長者娶同郡翟氏並耄期而卒葬於良岑子三長文用次文整並早卒季曰天用亦富於貲性好廉直重節義乙亥秋暮中旬疾終正寢後贈鎮國上將軍護軍都尉河南郡侯娶邢氏後君一月卒年五十五贈河南郡太夫人與君並葬於公之兆次子玉璋早逝長男巨昌有祖考餘風蘊大志值亂離集親鄰昆弟等聯為保伍賴以全活者數千不數載以衆譽遽蒙大任戊子春首追榮祖考巨昌與余有舊因叙其祖考行實表於墓前云云繹其文義乃墓表非誌銘也其立石年月府志不載其碑云戊子追榮祖考因叙行實表於墓疑為斯時所立是年皇子圖類監國乃宋理宗紹定元年即金哀宗正大五年

金吾衛上將軍鮮卑仲吉墓碑 在城西五十里卑家店其墓碑上橫書大元字下分六行書金吾衛上將軍興平路都元帥開國侯知同知樞密院事封永平郡襄順公鮮卑公之瑩

金吾衛上將軍鮮卑仲吉神道碑

畿輔通志云府志載神道碑文稱仲吉字慶仲灤州人先家中山金末仕至副統平州陷郡中豪傑推權領永安軍事首率灤州軍民詣蒙古軍門降以破賊功拜

灤

縣志

卷二

地理 古蹟 金石

本州節度使兼管內觀察使進金吾上將軍副阿朮會諸將南征信安諸寨有功為兵馬都元帥將四行臺六總管甲午還家以舊勳起為興平路兵馬都元帥總管上將軍平灤總管右監軍永平軍節度使兼灤州管內觀察使提舉常平倉事開國侯甲辰年孟秋以疾薨於家年五十有七仲冬葬於萬石山子十人鞏肇羣萃庠中準華章常葬後羣權灤州節度使立神道碑勒銘云此碑撰書人姓名及立石年月府志皆不載以卒年甲辰推之當是六皇后稱制之三年即宋理宗淳祐四年元史鮮卑仲吉有傳其事蹟與碑同

石城文廟碑

石城縣學宮在南關外元時建王大奎有記今改文昌宮

志府

文為王大奎撰石城縣令邢謙縣監怯烈木丁教諭董持敬等勅修經始至元五年正月落成至元六年四月今開平南門外有文昌宮

儒學署捐書碑

畿輔通志云碑文為秦本撰叙前集賢院同直學士楊紹先積收經史三百六十三册一千八十卷運至州儒學以訓後進始末至元二十六年立碑紹先灤州人及第

金吾衛上將軍王祥墓誌

在城南五十里趙簡撰

京畿金石考

墓在灤州南五十里土屋兒社元左丞趙簡撰墓誌

永平府志

誌稱公諱祥字興國曾祖鎮國上將軍珪祖行軍都統鎮欽父武略將軍至元間武略公沒於王事公蔭補侍御親軍忠顯校尉賜金牌進武義將軍升武略將軍親軍千夫長大德七年癸卯正月以疾終年七十有九贈金吾上將軍征行兵馬都元帥夫人何氏封修武校尉中尉君云云又案王珪乃奧魯總管王仲位子見樂亭縣志及王仲位墓碑

### 校尉路進興墓誌 教授李本撰

誌銘載校尉諱進興字通舉祖武清縣金末占籍石城縣之栗園莊至元九年從李魯歡官人破淮安十四年隨伯顏大丞相和琳迤北屯守權授百夫長十六年賜毅武校尉致仕大德八年九月三日以疾卒於家云云元史路進興及李本皆無傳

### 加封孔子制誥碑

碑刻大德十一年通行加封孔子大成至聖文宣王徽號詔書學正張德立石張德灤州人皇慶元年進士第歷官大定路教授

### 儒學署捐田碑

碑文張德撰叙永平路經歷楊有道捐已職田撥隸灤庠以贍生徒始末延祐三年立碑有道灤州人集賢學士楊紹先子紹先於至元年捐書學中今有道再捐田一畝一養可謂是父是子矣

### 重修廟碑記

灤

縣志

卷二

地理 古蹟 金石

六一

碑文鄭好義撰叙至正甲申知州孫某重修廟學始末孫某失其名府志職官表亦漏載鄭好義亦不可考甲申乃至正四年謹按舊志孫明大甯人元至正四年遷灤州知州刑清政舉修學養士案內稱失名者當即此鄭好義疑即學正鄭珪亦至正四年任也爵秩表知州孫明為延祐三年任疑誤以上均參錄永平府志畿輔通志

(十一) 邱墓

編者按·生存華屋處·零落歸山邱·每增後人之感慨·若夫功在國家·澤被鄉里·凡昔賢往哲之佳城所在·恒為桑梓所矜式·此邱墓一門·為志乘所必錄·亦以召來茲·示後世·以啟人之景仰·做法具有深意也·豈徒摸校尉之金·挂延陵之劍·以資千載下之談助而已哉·

後唐

姜將軍墓 城西一百二十里唐山下

元州人張勛·後唐姜將軍墓誌銘云·將軍廟碑在灤州石城縣·唐山洞貞觀內·謹按·後唐清泰間·將軍受命持節北鎮榆關·碣石有縣·曰石城·有山曰唐山·山麓有水曰唐溪·形勢幽阻·林壑疏迤·北接漕陽·南連滄海·東西形勢延蔓·百里將軍乃建城郭而居之·唐溪之水有蛟為害·觸岸崩崖·波濤洶湧·居民苦之·將軍奮怒提劍·斬蛟於溪上·民咸以為神也·及將軍沒·葬於山嶺·厥後唐溪之民感其功·思其德·建廟於溪側·時致祭焉·將軍有二夫人·七子·七女·皆得配享本廟·崇奉益盛·每歲·上已·適為將軍誕辰·居民爭祭·號其廟曰神慶·遠近車馬·駢臻·不啻千數·祥雲道人·糾尚義之士·彈力輸財·創殿於廟東·厨室宮堂·種種皆具·長春真人·題曰洞真觀云·至元四年·廟忽頹毀·時有擬真·散人重修之·至元九年·工始竣·夫廟之顯晦·固乘乎時·而將軍之功·則千古一日也·友人王子中請余文·余本鄉人·故記其

灤

縣志

卷二

地理 邱墓

六二

始末刻之石云

清嘉慶二十四年·知州顏樾·立碣墓前·鐫云·後唐姜將軍之墓

邑人高徵·謁姜將軍墓·詩云·破浪翻濤·奮武難蛟頭·斬落劍光寒·至今衰草斜陽裏·故塚荒涼碣已殘

遼

韓將軍常墓 城西南一百里高莊子南有碑

金

任運使詢墓 城南七十里

元

張防禦使晉及其弟進士德墓 城西二里

鮮卑元帥仲吉墓 城西五十里卑家店

謹按·卑家店·在前明為三百戶營·蓋因鮮卑而名也·其墓碑上·橫書大元字·下分六行·書金吾衛上將軍興平路都元帥開國侯·知樞密院事·封永平郡襄順公·鮮卑公之瑩·其神道碑云·卑仲吉字慶仲·灤州人·姓出鮮卑·漢有北平太守躬太傅·椽整·皆以卑姓·顯世·次遠不可考·仲吉先家中·山石晉末·徙灤西·萬石山下

後為義豐卑氏莊祖謙父彥明孝養尚氣節好給施金貞祐元年卒亂不克葬  
何長子仲成避嵐山流矢貫頰仲吉負走及土嶺乃死其骨抱歸凡求者即  
亂之園為空素與巡檢許枚善枚死父耄無所歸之家惟謹及終還其葬  
資鷹選勇敢充副統平州郡豪傑推令嚴肅使躬隴上與百姓同  
勞苦妻孥亦蠶織自給於郡人爭務勤本號令嚴肅使躬隴上與百姓同  
將南征信安諸寨城四面阻水官葬父以兄骨附未幾入安遣副金會諸  
將為副都統仲添膽略過人卒甘苦且進戰獨固守不計敵至城下與都統  
趙簡松引兵逆戰少卻簡松陷敵軍仲添入其陣擊刺所向披靡戰至晚力盡  
流矢必戰而後取獨殿以歸戊子四月信安兵復至仲添被圍戰至力盡  
死之辛卯以破諸城功為兵馬都元帥將四行臺六總管壬辰春兵將南征會行  
省蘇椿叛中外震擾仲吉與主將定之或欲盡屠其眾仲吉曰椿反百姓何與  
是魏人遂定大駕南下與營中主將外來謂曰受勅盡殺在營諸俘仲吉力於  
言不可活以數萬計甲午還家仲吉性聰悟通鑑一過歷之主將欲屠其城仲  
止之全活折中之居無何以舊勳起為興平路兵馬都元帥總管上將軍平濼  
古人事永安軍節度使兼濼州管內觀察使提舉常平倉事開國侯仲吉諱闕以  
右監軍不許曰右北平易治吾欲臥鎮焉賜之燕令在侯上甲辰年秋孟以  
老病辭於家年五十七仲冬葬於萬石山先人兆次娶五氏為夫人有子十人  
疾薨於家年五十七仲冬葬於萬石山先人兆次娶五氏為夫人有子十人  
肇羣萃庠中準華章常以鞏襲爵年十七肇年十六射虎西山下羣邁爽辯而能  
文萃能家庠勤學中準以下皆幼孫六人女十  
三人葬後羣權濼州節度使立神道碑勒銘

濼縣志

卷二 地理 邱墓

吉將軍巨昌墓

城西四十五里宜安店東

碑字模糊翁仲僅存殆與鮮卑公同  
時至今有山前卑元帥山後吉駙馬

之謠元州人宋謙亨吉將軍墓表云公諱士寬其先邑於中山五代末徙居濼右宜安  
里四傳至公幼而淵靜長而寬厚深於翰墨閑於治生贊累巨萬不自驕矜人有  
不給者周之小過者戒而釋之是以鄉里咸稱焉長者娶同郡翟氏與公並耄期  
而卒葬於良岑子三長文用次文整並早卒曰天用賴公餘庇亦富於貲性  
廉直重節義古所謂畏四知軍一諾者無以加此乙亥秋暮中旬疾終正寢聞者  
無不悼惜後贈鎮國上將軍護軍都尉河南郡侯娶邢氏性亦婉順於婦道事  
舅姑有禮教子孫有法後君一月卒壽五十五歲贈河南郡太守夫人與君並葬於  
公之兆次其次子玉璋早逝長孫巨昌有祖考餘風蘊大志捐小節與君並葬於  
古治楊公相友善二士亦一方偉人近以氣義相高直亂離人罹疲瘵強陵弱  
衆暴寡甚者或斃於砧鼎君慨然歎曰吾屬將無遺類矣乃與二公謀集親鄰昆  
弟等聯為保伍出入相友望疾病相扶持賴以全活者不啻數千識者私謂曰  
有陰德者必享其報之子其將顯乎不數載果以全活者不啻數千識者私謂曰  
祖考巨昌娶杜氏有男三人長名斌任鎮撫壓以衆譽大任子春首追榮  
是此非積善餘慶之明效耶巨昌與余有舊因叙其祖考行事表於墓前以垂永  
云久

王將軍祥墓

城南五十里土屋兒社

元左丞趙簡王侍御墓誌云公諱祥字興國至元間軍珪祖行軍都統鎮欽父武略將  
軍璽三代勳業墓刻詳矣公諱祥字興國至元間軍珪祖行軍都統鎮欽父武略將

路校尉進興墓

未詳其處

石發九矢斃九人下高郵絕糧道明年武略沒於王事公蔭補侍御親軍忠顯校尉八年辛巳賜金牌進武義將軍十九年陞武略將軍軍千夫長公曰知足不辱知止不殆乃累章求退時年六十有三大德七年癸卯正月以疾終年七十有九後又贈金吾上將軍行兵馬都元帥夫人何氏封修武校尉中衛郡君

明 石副使維嶽墓 城西北六里

明尚書楊漣石副使墓誌云石公灤人也與余鄉試分省題名又嘗憲吾楚中故得其行事甚悉公生有至性以孝友著於鄉幼好讀書寒暑不輟贈公嘗語人曰吾家累世積德門閭之慶當在茲矣至萬曆庚戌登韓敬榜進士雖同仕寓京師實漠然也公嘗為孝廉十載至是春闈之夕閣筆少寐夢人語曰仁漸義摩四師十年來惠愛東征西討八千里外威靈寤即書之為主司大賞鑒蓋有天定焉初授河南中牟尹時稱魯恭之後一人焉代巡至叱其御曰毋驚擾石中牟城民也

灤

縣志

卷二

地理 邱墓

驅車旁出考績舉第一事載牟之志乘昭如也行取來京會前任姜某以事反公公恬然繼而飲於李年兄齋道及楊椒山建祠一事公詞意懍懍令人寒冽不可進余方重之遂與訂交以姜某之事詢公曰若某事為公覆載者久矣何以構為若能不自質於聰明正直者之前乎乃知姜某事為公覆載者久矣何以己成公又不願自白其為人留餘步耳竟左遷鹽運司知事而朝議卒雪起公川龍安府推官中途會任丁母艱三年盡禮有優鹽運司知事而朝議卒雪起公補山西汾州推官推官之任刑清簡凡所歷山水吟詠自娛著有西遊草集是年西省分闈拔劉令譽等十餘人後居任資不繼常使歸桑梓典居自相戒為良曰推府佛爺也敢不向化公居任資不繼常使歸桑梓典居自員外晉秩本部河南至石推府廉惠之聲固洋溢西河婦子也入為刑部主事歷人所不能道者時魏瑞擅權京之掖門有李園一區為選勝者第一廷弼之奸皆置之死公承恩別墅也瑞慕欲奪之不與乃謀陷以一區為選勝者第一廷弼之奸者當何罪三法司皆愕然崔怒投筆起去曰吾力能殺汝而人人為公殺公毅然弗顧既而漣與左光斗談笑自如謂漣得死矣蒙昧皆發詔獄人皆畏之公力為漣維持時於獄中與同人談笑自如謂漣得死矣蒙昧皆發詔獄人皆畏之公力為漣維左光斗水米不進口至是獨飲三觴時杭郡守劉鐸入覲京師特疏救之當死非刑之獄不可擅施大臣有罪惟死而已且與大司寇賴維不墜一死於時雖甚顛沛而後難免信史昭然大司寇雖怒竟無言而退鐸賴維不墜一死於時雖甚顛沛而方重公之為人蓋公之意使行吾志與之訂交何也遂同與張年兄毛也繼是後拯國怨匪扶朝廷紀綱成吾輩之志者非公其誰與歸當立言與鄒王二



厲給諫汝進墓 城西三里前教場莊西

清邑人趙翹，弔給事中厲公墓云：三百年來曠野中，白楊蕭瑟，泣西風，一封奏矣。臂餘骨七尺，存乎氣似虹，冢上棘生，還刺佞墓前碑，在不言忠，戶科字迹埋荒草，那復披沙認厲公。

馮太僕運泰墓 城西四里馮家坎西

李御史鑑墓 城東三里朱家莊子西

吳鎮殿將軍永墓 城南四十里大二里莊北

吳別駕學顯墓 城東關之東南

高尚書第墓 城西百二十里

許參政莊墓 城西南十里響堂莊西北許家山

王宮保翱祖墓 城西四十里劉各莊

王公先塋碑記云：翱以不肖之質，獲蒙祖考餘慶，以有祿位，繆膺獎擢，踐更要職，國有常典，命及其先，非惟優異，臺憲之臣，蓋以彰積善垂慶，其來有自，而欲昭潛德，發幽光，俾為臣子者，退得伸孝於家，而進得盡忠於國，此朝廷所以推仁而廣恩，而為臣子者之至幸也。翱自永樂乙未第進士，歷官監察使，行人司正，僉都御

灤縣志

卷二 地理 邱墓

史進副都，以至左右都御史，今加陞太子太保，仍兼本職，累朝恩典，隨官遷轉，皆受誥勅，藏之於家，而此二通，乃翱為左都御史，鎮遼東時，今上皇帝所賜，追贈翱之祖考祖妣者也。先世家灤州，劉家莊，自吾祖太公而上，至諱進昌者，凡十七世，俱葬灤州，元季兵亂，吾父及吾伯叔，攜家徙滄州，之鹽山，卒葬其地，子孫遂為鹽山人，今翱自遼陽還，乃得命工，礱石勒祖考妣受誥文，樹於灤之先塋，餘皆以次當勒石於鹽山也。吾所以為此舉者，非在誇耀於閭里，鄉黨，侈君上之恩，彰先世之德，爾後之子孫，孫觀感而興起者，登斯隴，覩斯文，忠孝之心，得不油然而興乎。景泰三年月日，榮祿大夫太子太保兼都察院左都御史，孝孫翱謹誌。

黃封君應嘉墓黃都指揮應選墓 城西一百一十里賈家山東

謹按黃應選墓，在黃應嘉墓之南，明兵部尚書兼都察院右都御史王之臣題碣云：明浙直總鎮統領水陸練兵都指揮黃應選之墓。

鄉飲大賓王光業墓 城西官寨莊

州人石申王公墓銘云：於赫嶽降，豐鏢不羣，矯矯鶴立，振衣濁氛，其生也時，嘉隆熙熙，韋布行道，士紳則之，遂初作賦，反璞全貞，幽圖維巖，築莘耕，謙之德，薄不足就，道味自錫，世芬莫艱，火滅修容，杖帶必恭，淑慎爾止，倫彝克雍，承先則參，慈幼則陳，刑于則珪，友于則荀，闕不在牆，謫不入室，蘭茁桂芽，煦煦秩秩，蕃範泰度，巖松謨謨，義聞炯皇，羣起沐服，揖入聖域，周著虞庠，鼓簧鼓瑟，譽處能光，喬姿鶴髮，寬胸穩觀，以引以翼，亦德亦年，羽化登仙，翩翩任天，為星為漢，無往不然，山之崔崔，水之溶溶，山峻水深，皎茲高風。

清

石少宰申墓 城西北七里後明碑莊。

王總戎可就祖墓 城西三十里石佛口莊南。

王總戎祖墓誥命碑云奉天承運皇帝制曰思彰下逮勉篤棊於羣寮家有貽謀本恩勤於大父用溯源流之自爰推綸綍之榮爾王道森乃延綏鎮延安營參將王可就之祖父植德不替佑啓後人綿及乃孫丕彰鴻緒休貽大父聿觀世澤茲以覃恩贈爾為昭勇將軍延綏鎮延安營參將錫之誥命於戲垂裕孫謀已沐綏渥之典崇褒祖德用邀錫類之仁貽厥奕祚佩此新綸制曰一代褒功勸酬示後再世承恩崇獎尤先績既懋於公家寵宜追於王母爾延綏鎮延安營參將王可就祖母孫氏爾有慈謀裕及後昆念茲稱職端由壺教爰錫褒儀之貴獨昭種德之勤慈以覃恩贈爾為淑人於戲迺其家法爰勞旣殫先圖賁乃國章昌融溢開來緒永期丕贊用席隆庥

李御史檠墓 城西南吳家莊窠。

劉御史偉墓 城北七里秦家莊。

喻封君墓 城西南百二十里稻地胡家莊。

高太僕顯辰墓 城北五里橫山下。

吳封君可琇墓 城北三里沙道口北。

灤縣志 卷二 地理 邱墓

吳都閻一鳴墓 城西北五里。

趙觀察槐符墓 城西八十里後營莊。

侍郎劉躍雲趙公墓誌銘云永平充泉趙公吾先文定公典順天試所得士也優於德潔於操工於文歷官山右確有治績於嘉慶八年癸亥五月以疾卒於任嗣子彥澄以其門人汪宮庶所撰狀乞余銘其墓也於觀察既世篤其城里曾大父為人弗敢辭案狀公諱槐符字子蔭充泉其別字也世居永平古城里曾大父明經冲漢公大父邦瑾公考文學光緒公並以公貴贈中憲大夫曾祖人暨祖九李太君妣金太君並贈恭人公少而穎異六歲就傳端甫以道學著與許魯齋名州庠旋食餼永平為古孤竹地自元姚文憲暨武衛公則遂於經學與許魯齋試輒冠其曹乾隆庚寅先文定公典京兆試得公卷歎為異才取冠多士及來謁覬其端凝有度益愛重之辛丑成進士授吏部主事癸卯秋丁外艱丙午服闋補考功司事己酉遷文選司員外郎充會試同考官所薦拔多名京士旋遷稽勳司掌印郎中仍掌文選司事公持衡察吏屏絕干謁為同官推重京察一等壬子秋特簡山西潞安府知府值歲饑道殣相望大率屬齋戒禱於鄉死者填委慨然曰陰陽不和黎民失所是皆守土者責也親率僚屬齋戒禱於鄉死者填委慨以贍貧乏全活甚眾今上元年丙辰冬調太原首郡保薦嗣伯大丞蒞晉一見訊鞫務得其平蔣大丞倚如左右辛酉奉撥陝省軍需米十萬石親赴蒲絳規畫經理自絳及雍給餉無愆期辛酉奉撥陝省軍需米十萬石親赴蒲絳規畫其才壬戌冬署臬司篆公瞿然曰既歸勤長子水災一經畫彈心賑卹常夜不寐摺兩上俱蒙御批嘉獎公以果力精心荷天恩優渥方思上報隆施倏嬰劇疾遂

以不起嗚呼何年之不能假也公生於乾隆辛酉九月十七日卒於嘉慶癸亥五月三十日年六十有三誥授中憲大夫分守冀寧道轄太汾潞澤沁平七府州兼管水利事務公性孝友善事兄嫂守太原時恭遇覃恩將本身應得封典賜封兼管水陸宗族親戚周恤之自處儉約接察來以敬訓子弟以先器識次文藝配孫恭人生子女殤以伯兄次子彥澄為嗣孫六人方域方樸方權方檀方榕方林卜葬於後營南原新阡銘曰我峩紫金生此秀傑蔚為國華淹貫六籍先公得之如珍斯獲敷歷中外治績丕彰澤流汾潞才軼龔黃監司展驥待涖封疆望切蒼生夫何溘逝公身則遐公英在世鏗石幽宮百祀弗替

### 李刺史法墓 城西五十里井兒峪

### 李總戎雲標墓 城南二十里李家閘莊南

今已陷入灤河內

### 何果毅建鰲墓 城西筱水坡

同治四年乙丑御賜葬祭文云朕惟閩外勵策勳之略氣鬱風雲行間攬致命之忱義昭日月蓋臨難克全乎大節斯飾終宜沛以殊恩爰命禮官將祀事爾原任中營副將記名總兵何建鰲才堪致果性本知方數省從戎卅年效職奏膚公而報捷梟獍疊擒偕爪士以同仇熊羆益壯在先帝屢加懋賞頭銜膺閩之榮迨朕躬復獎賢勞心簡進總戎之秩當匪蹤之肆擾隨大帥以往征戰無前馳張盡翦長驅直入兔脫難容渺彼游魂率皆破膽方冀妖氛盡掃何期困獸猶奔勢已蹈於危機身不離乎主帥痛哉兇而冒險忠竟忘身憐授命以如生魂能殺賊艱貞克矢軫策良殷賜以隆施嘉其勤事秩均一品祭命肆筵於戲英名已播於旗常芳生離俎精爽常貽於竹帛輝映龍章用妥爾靈懋彰予典御賜碑文云朕惟折衝禦侮臣心據效命之誠賜卹推恩國典示褒忠之厚酬庸身後青簡彌

## 灤

## 縣志

## 卷二 地理 邱墓

光追美生前翠珉宜勒爾原任中營副將記名總兵何建鰲致身剛介矢志堅貞隨大帥以長征任偏裨而效命摧鋒陷陣所向無前靡壘靡旌何堅不克絕流而渡殲皖豫之匪蹤捲旆而前撲曹徐之逆裔秩洵躋於協閫權更授以總戎獎勞而屢覽薦章嘉績而特頒勇號方冀妖氛盡斂掃檣何期困獸猶奔毒羅鋒鏑鎗孤軍深入賊若蝟毛大節無虧尸還馬革詰奸慝而除兇暴勇冠全軍同患難而共死生魂依主帥睠懷忠魂疊沛隆施肖厥生平諡曰果毅於戲松阡在望堪嗟馬鬣之封華袞常存永耀螭文之彩式彰偉績視此豐碑

### 杜孝女墓

### 城南二十里杜家營莊北

碑題杜孝女之墓五字

樂亭史孝廉夢蘭杜孝女墓誌銘云有女有女灤江潞系出杜陵老工部素嫺女訓不關師以身殉母甘如飴或云此孝非中道傷父母心為不孝嗚呼中庸二字豈易能胡為以之責媼况乎古有兩胡廣號為中庸皆貪生忠臣孝子根至性見危授命胥正命女之殉母亦如斯孝也中也皆不知惟知母氏劬勞生死不忍離

邑人張鳳翔過杜孝女墓詩云靜處深閨習禮儀髻年失恃最堪悲曹娥殉父此殉母鄉曲猶談孝女碑

## 民國

### 李太守聯璧墓

### 城南二十三里郝家莊外

樂亭趙祖銘李公墓表云清穆宗同治改元海禁弛中外交涉重繁且艱始設總署京師領以邸閣大臣拓啓館宇號曰同文招選材雋之士自翰林以逮生監

分授英法德奧俄五國語文外以備使絕域異國內以通譯文書往來需之甚殷  
應者畢蓋寡其故由於舉世趨重科名一當輓中下之材因緣就館驟睹其難未得  
者畢智盡氣去十率二更求其上或力於當門而文行有倨然陵出此為已  
陳之芻狗其卒焉君聯璧宇魁岸性特冲夷精弱冠補學官在館竝攻食饋選入  
友李君蓋其一焉君聯璧宇魁岸性特冲夷精弱冠補學官在館竝攻食饋選入  
同文館分占英文算術器宇魁岸性特冲夷精弱冠補學官在館竝攻食饋選入  
乃大進鄉薦未售以資叙為部司務值安徽創設自強學堂君應調為教員西詣  
身兼數役君持以綜覈鎮以從十萬金非相整外內俱化撫首尾委君任責成洋務  
省立大學傑構壯觀糜款至七十餘萬督手訂課目分延名師成績秩前君先已晉秩  
知府大吏特薦以前道員升用適會國變假歸本省署理河間府知府改縣君  
又任為縣知事前後兩年時勢迫君不獲信以民國五年八月二日疾歿里第  
春秋五十曾祖德勇祖攀考盛春皆以君貴先贈朝議大夫曾祖妣陳氏張氏  
閻皆贈恭人踰月葬君州迤南郝莊之原室畢恭人生子汝筠初予為舉子厭  
薄時文思樹一幟奮獨造而致据義理實實然絞腦瘁精亦奚裨實濟及得  
交君每思常共晨夕研悅泰西文字語言借以博觀域外窺見彼族奇恠利害與  
夫強國製造一切奧蹟惜吾年已壯人事牽制展轉遷延以至廢墮中離合靡  
常風雨晦明輒思君子留積三十年予則窮老江湖君已塵蛻長逝莫或與之  
而若或奪之將冥冥者司其契邪然如君之所學  
已成僅一試於府縣之吏未躋中壽噫可慨也夫

徐處士廷英墓 在六區徐家莊外

灤縣志 卷一 地理 邱墓

邑人山東省財政廳長王向榮處士徐公墓表云外王父徐公諱廷英榜名憲章  
字子斌幼而岐嶷通經籍不能文章應院試連不得志於有司適長兄廷樸公櫻疾  
卒門以待理遂絕意進取不欲以功名顯性友愛決得公一言而止蓋由成人  
論公正誠以感人也鄰里有爭執者恆經歲雨五穀不登有司莫以告公據實上聞  
蘇田因壅塞久幾至廢棄公算雖觸路之忌弗恤也水利今村水溝咸利賴之  
公無子以長兄第三子廣與承嗣女三吾母居長次適劉三適蔡向榮而語人曰此  
撫養劬勞備至居久之疾始瘳向榮齒乎十餘寒暑矣公嘗撫向榮背而語人曰此  
子頭角崢嶸知慧過人將來必成器為幸承明得備位國觀三年余感懷遺澤有狀  
十齡每聆斯語深懼異日有負屬望輒稊幸而承明得備位國觀三年余感懷遺澤有狀  
中暨公所扶植我期望我者不歷十數矣外王母公慈愛出天性三年卒享年  
淚沾衣公所謂不及目覩者不幸而言驗矣外王母公慈愛出天性三年卒享年  
與公同溫恭淑慎間里稱賢公之德惠孔長而資內助慈愛出天性三年卒享年  
者福桑梓濟民生雖斧柯未假不獲一伸抱負而善士之目鄉里稱道弗衰所謂  
置諸廊廟而不以爲榮廁身山林而不一以爲辱者於公焉公歿里道三十一  
矣間嘗竊讀陶淵明所作孟府君傳及蘇文忠誌外祖程公逸事文凄然悲之弗  
能自己爰不揣固陋謹爲文以紀其事勒諸貞珉以誌永感云爾中華民國二十  
五年六月 吉日建

趙鄉貢進士儀墓 在三區西沙窩莊外

確能直陳事實不飾不欺或亦為知言君子所不棄也民國二十五年古三月吉日男式培謹述

宋學董誥墓

在宋各莊東南龍王廟

宋各莊小學校董宋際周先生紀念碑云宋各莊位於灤縣之西其地貧瘠民俗尚樸質而安於所習清末變法各鄉村皆令興辦小學學款就地自籌迫力所加聞者色阻維時我學董宋公際周毅然以興學為己任思集其鄉之子弟而訓迪之為各鄉倡夫以貧瘠之地風氣錮蔽曰籌款興學孰與協力成此創舉者無已乃謀之同族宋公玉振暨鄰境孫家莊之賢而有者慨助學款成村中宣佛寺闢為校址並沒其廟產充為基金由是經費有着而學校始屹然成立時宣統二年九月事也本校成立後先生躬親校務汲汲終日中經無數之艱難嘗而銳氣曾不少挫如是者閱十七寒暑嗚呼先生矣過書策琴瑟之旁想見一步一趨有不禁泫然泣下者蓋先生之音容已杳而先生之德教固未嘗隨之以俱杳也古之賢人君子之沒雖歷世長久而光顯常如一日固德澤之及於人以深且遠也然而後之賢者相繼猶能表章而崇奉之為精神意氣之續此世教之所爾先生本村人諱誥字際周卒於民國十五年十一月二日年七十葬本村東南龍王廟地

鄉貢進士候選府經歷趙公墓表云稱叙先德之言墓中有誌墓外有表式與敏當時既未克銘諸下窆之石而自審荒謬無似之碑而述之如左君諱儀字悉敬沒親之善同罪也則於其先考府君沒後十二年有五平生端謹自守事無內外悉林甲子冬十月八日卒於灤南里第春秋七十有父母者我府君幾近之是

本先人之志為禮經所稱以言舉文名於郡以仁恕廉讓型於家式於里黨我王考子瞻府君少孤貧苦以績學能文名於郡以仁恕廉讓型於家式於里黨

晚歲家稱小康而秋試累薦不售由恩貢生候選訓導鬱齋志以終我府君

仰體此意時以力求學承歡為念故其出外就傅也每逢節假一次所為詩文必

進步一次其愛惜日力可知又薦而不售益發憤教督其子至科舉後專心無

達之望而府君時已年逾六旬由歲貢候選府君不沾沾於科第虛名也計我府

課其孫蓋府君之學務在躬行實踐以續承先志不沾沾於科第虛名也計我府

君中年以後訓子十餘年孫又十餘年數十年之間始終未離我王杜夜弗

舍如饑渴之於食飲未嘗一日有間也其在教讀時間始終未離我王杜夜弗

孺人頤養天和歲月賴我先妣楊太孺人秉心任淑扶持之力居多於王不具論

先因王考府君彌留倉卒棺木良而未校每以爲憾先妣則力贊府君於王不具論

事甫畢既為王妣置備美材更選良工製造漆艫濃而且久則其深於愛親之心

與我先妣恪於相助略見一斑矣而其經營田畝也遇有佃戶之貧而無告者

雖連年逋租或經重價議代亦決不肯決然更奪一時權子母則舍多而從輕年終

結束無取盈者府君嘗曰我先人待人之厚我近於孝思不匱終其身為學之勤與

期盼後人之切我未嘗絲毫副之也庸呼茲殆或表而不朽大率多倩當世先

志為事者非耶夫自來奇行易嗣以烘託而炫耀所謂文以人重父以子傳也我

豪代作或出自盛名偉績之後嗣以烘託而炫耀所謂文以人重父以子傳也我

府君一生依於中道無峻絕可驚之行其子又愚陋無狀不堪晉文雖冗蔓寡要

文無功於事以此為勒石表墓庸有價值而取信乎述焉而矣而晉文雖冗蔓寡要

